

清詩湖海集

丁三



溯洄集卷一五言古上

栢鄉魏喬介石生選評

再航嚴曾築方貽
錢唐顧之瑜不瑕

校訂

五言古

梁清標

閒意

矯矯雲中鶴。泛泛沙邊鷗。翱翔在閒曠。於世將安求。嗟彼九秋鷹。參馴綠臂鞬。四顧事搏擊。所性良不侔。東華十丈塵。袞袞多貴游。人情善陰陽。倏忽



恒戈矛。余亦澹。莫人胡爲辭。林丘款段。勉馳驅。俚
俚靡所投。宦薄名不彰。太息傷蜉蝣。安能違素心。
勞生來怨尤。田園幸未荒。西郊有青疇。新雨稻稊
熟。水榭迎早秋。高樹喧鳴蟬。清池泳輕鯈。何時謝
塵纓。十畝長優游。吁嗟邴曼容。寂寞養玄脩。

五言又

白日每易暮。浮雲亦無心。長安日喧闐。歲月徒駸
駸。小院暑氣薄。庭晝結秋陰。柴門無熱客。危坐胡
蕭森。時時手一編。散帙走白蟬。涼風左右至。颯然
開素襟。幽花夜半舒。座中香微侵。秋蟲不知名。往
往得清音。不寐受晚涼。雨氣來遙岑。天地未有窮。
榮祿安足歆。且酌杯中酒。白眼托高吟。

初春北上留別兄弟

春風何澹蕩。寒日照郡樓。舍人治我裝。遊子去舊
丘。東門設祖帳。親戚羅道周。顧余麋鹿性。林壑夙
所求。用世本無具。竊祿良足羞。胡爲煩徵書。勸駕
多朋儔。一朝辭墳墓。啼猿聲啾啾。宦途方險巇。置
身安可謀。津亭傾離樽。清淚沾敝裘。帝闕鬱岩堯。

王程敢遲留。執手珍重別前路。云阻修回首語。昆
季爲我治田疇。茲行報明主。歸卧西山頭。三徑勿
蕪荒。烟月長夷猶。

羽扇輪巾中尚有澹泊寧靜之致諸葛君真名士也

楊思聖

硤石

凌晨過硤石。土立如深壁。昏且虧陰晴。天光窺一
隙。積雨泥淖滑。行人苦逼窄。牽扶強登涉。僕馬頗
極力。憑高眼初放。萬壑明歷歷。合沓遠近青。負勢

各爭出。嶺頂瀉飛泉。崩棄若雷激。蒙茸艸樹豐。鳴
鳥聽不一。峭絕千仞崖。戶牖當壘闢。嵌空架數椽。
束縛還相汲。稚子類猿猱。見人滿巖集。當時避寇
亂。久因托家室。吁嗟乎鮮民。何年脫險厄。近聞多
虎患。白晝恣吞食。天使人獸爭。安敢不戰慄。跂予
望前途。足跡空愁疾。

山行遇雨

栖栖苦無成。中年嬰世務。行役安得辭。鷄鳴懷往
路。陰雨感天時。險夷信所遇。振衣陟重岡。蹉跌無

安步輿夫怨塗泥。招呼何暇顧。滴瀝聲轉急。千峰起烟霧。風來麥浪翻。綠波飛鷗鷺。山花隨意開。瑣細不知數。衆壑響驚濤。丁丁石橋渡。牛羊下高巖。樵牧隱深樹。旅途雖云勞。亦復賞幽趣。行行至前村。燈火時已暮。

由雲臺步至玉泉訪希夷洞

日入琳宮靜。夕陽下諸峯。披襟步平野。漸見遠烟封。迤邐信所適。仙宇多奇縱。徑仄塞急峽。流水聲淙淙。數轉山更幽。鳥鳴翳深松。一亭特然立。四圍

樹色濃。藤根布石上。歲久如蟠龍。洞裏人已去。遺像睡方慵。安得叩玄言。一爲關心胸。羽流道貌古。衲衣破不縫。食我胡麻飯。相對語從容。幽尋興未了。前谿隔暮鐘。

鴻門

荒郊殺氣高。酸風吹野水。仗策渡鴻門。指點多壁壘。劉項此戰爭。英雄各競起。乘時取功名。得失誠有以。歎息古人沒。還爲今人恥。

客行

客行漢北口。日入夕景迫。蕭條市肆空。狐狸橫阡陌。一二殘父老。面瘦氣愴切。向我前致詞。欲語聲先逆。自從遭喪亂。兵荒歲相接。男婦生別離。鷄狗喘未息。今年麥稍熟。庶望給朝夕。誰知復用兵。轉餉無時絕。縣帖終日下。索夫動逾百。邑小苦無丁。何以供力役。繫縲及妻孥。鞭打日流血。棧道勢連雲。千里烟火缺。塗汗吏催行。身前步轉澁。饑卽死。路傍痛苦馬。敢說我聞置。郡邑本欲蒼生活。奈何事敲剝。傷殘若饕餮。美官固可要。人命亦可惜。作

此告長民。勿貽後世責。

入棧紀行

極望峯巒稠。雲飛常沒頂。空翠霑衣裳。吹落澗谿影。花鳥亂聽聞。心眼細細領。晞陽射碧潭。石鄰碎光炯。蒙籠艸葉陰。樹老身戴瘿。山鬼時以嘯。肅肅毛髮冷。前行隔後行。後嶺迷前嶺。

又

戒塗首茶坪。跼步凌盤磴。登登僕馬勞。相顧色不定。石氣涼生雨。停午山色暝。感歎發中懷。何暇賞

幽勝客子多畏人履險憂踳踳

又

山深四時殊六月麥未獲地瘠民苦貧終歲衣裳薄不知造化理于何齊美惡美者豈常妍富貴蒙丹腹惡者豈常媿貧賤甘藜藿美惡天難問窮愁伊誰託

又

暮投黃牛宿荒垣駐洩烟樹柵防虎過昏黑燈火連旅食敢求餘菽麥性所便屋角枕巨壑水石聲

潺湲勞生驚物役憂心中夜煎起生當語誰仗劍淚潛然

又

棧雲易為雨朝行蒙霧露崖樹架連橋弁流澗石怒攀緣爭一罅陂陀馬足誤山禽鳴翠屏幽陰衆壑赴始知所歷高下見夜來路壯懷在馳驅漫自賦感遇

又

客子悲遠道旅途未遑安整裝凌晨發帶雨度柴

關灘石相激。聒雲生暗峯。巒步滑屢欬。仄衣濕幾
時乾。強顏慰僮僕。談笑輕波瀾。中情默自傷。胡能
駕羽翰。

又
男兒生不偶。辛苦遠行遊。蜀道連天塹。山川阻且
脩。登車抗前旌。慷慨彈蒯緱。功名既有分。亦不為
封侯。所悲同衆人。白首老園丘。浩歌懷古烈。馬嘶
風颼颼。誰能乞世憐。永為高士羞。

自少陵秦州夔門諸作絕響千年後乃復有此空同正以近體蒼涼悲壯如游覽

紀行對此自當遜心變色

嚴沉

改官後作

保殘本末學。近光玷華局。供袂朝執經。步櫺夕秉
燭。讐書昧魚豕。練賦暗盧玉。凌雲方遙想。惜陰虛
近勗。長揖謝轡龍。無成類刻鵠。金閨仍掖門。玉珂
絳逸躅。任愚或敢戇。匪嘉愧入告。挂笏烟霞紫。躡
屐藤蕪綠。顧微山甫哲。終負東方粟。

熊文舉

感遇

高樓有佳人。自理鳴箏曲。月色映湘簾。流光斷復續。迢迢歲序淹。黯黯韶華促。蕩子不歸來。秋風驚落木。所志詎封侯。功名羞詘辱。維古嚴節士。稻梁恥鷄鶩。感嘆罷箏聲。西牕看脩竹。大哉感韻會。

得浣花法

杜芳

秋意

風吹紅日白。晚映蒼苔綠。飄雨高晶晶。溼雲層層矚。

矚天意已凋。零人情紛不足。四時秋色悲。千里亂心曲。孤鳥澹遠沒。落風冷佩玉。清潔非世貴。出門任榮辱。何如田百畝。酒釀黃花熟。

感賦呈周芝侶

青天不可極。四海蕩無垠。賜谷觀日出。遊者安能論。所以欲宴遊。嗟嘆古時人。黃虞亦云已。吾道更誰陳。

同崔仲子作

湛湛明月光。澹澹石中水。浮雲成蒼狗。須臾有盈

毀丈夫重然諾。泰山安可靡。十年鑄一劍。凌厲未
爲美。願言再莫試。慷慨殊多累。

閱世情深
其言慷慨

兵荒別

夫自戍遼陽。妾居燕水傍。年荒須就食。忍淚啓高
堂。高堂急未聽。欲語復徬徨。母聞驚在地。兒至知
何方。妾心豈不酸。昨夜夢同行。

又

門前渾是路。那道向南陽。村隣前後盡。鳥亦不爲

翔。穉子牽娘衣。猶嫌桑椹黃。破衣燒成火。榆皮煮
作糧。恨無信與夫。妾已離家鄉。

又

一里復一里。步步望難量。出門楊花落。漸見夏日
長。已絕三日食。哺兒無乳漿。行來數百里。村舍唯
空房。幸見一處熟。又聞逐流亾。

又

兵部羽書至。前月失邊防。妾夫亦在軍。生死那可
量。妾生不如死。恨不到沙場。落落孤鴻影。感之摧

肺腸。

人生無家別何以爲蒸
蒸與子美千古同悲

曹本榮

積雨 丁酉五月五日

豫遊有常期。廣野駐黃屋。五月風雨多。山容淨如沐。皇情頗悅懌。田夫佇豐熟。愚臣本無能。記憶朝廷渥。扶書隨屬車。幾年扈原陸。小幕如鷄栖。濛濛烟霧蓄。瀟瀟晨雷積。入夜無斷續。翻如在廬山。卧聽棲賢瀑。九載東華塵。畏人如蝸縮。豈知川原間。

儵然物外躡。却思少陵翁。布衾畏伸足。又思東坡老。避漏上墻宿。古來賢達人。那免窮途哭。時序記荆楚。維舟爭弔屈。九歌薦荔蕉。天問紛恍惚。聖代客踈拙。祿食免放逐。蒲酒亦開樽。丹砂且隨俗。隔籬卽前輩。招同鷄黍局。細細酌流霞。隱隱動絲竹。所恨蒲柳姿。早衰徒碌碌。乞身病未能。補報力未卜。但願德化成。萬厦自天覆。風雨無飄搖。羣生皆逐復。四時自成歲。一物荷慈育。披篔隨玄真。長謠江海曲。

大雅
飭躬

送穆伯章令鉅鹿

憶昔年十九。余初入貢場。子方負時望。稱我能文章。至今二十載。余忝官玉堂。子來赴常調。大邑綬初黃。寸心感知已。風雨仍對床。所恨構厦具。未得登廟廊。滔滔孟夏月。送子至河陽。躊躇岐路言。斗酒非所將。民者國之本。肥瘠在紀綱。撫字得賢牧。萬物自生光。吁嗟湯火餘。飲豢猶未康。追呼恣豪奪。仁者心為傷。君有出俗志。悃幅懷剛腸。不擾烹

小鮮。視後鞭羣羊。吏民自同稱。詔書出東廂。鳴琴多暇日。大陸鬱相望。古來戰爭地。今日桑麻長。始知休養恩。聖德非可忘。努力崇令名。朱邑顯桐鄉。

似張曲江

慨然作

漆園有傲吏。恂慨多奇理。戰爭等蠻觸。天地齊稊米。未能鵬逍遙。聊同鳩決起。荒唐雖寓言。竺乾已蒿矢。

又

貧賤時俗輕。富貴危機逼。試問一。人身。畢竟何所。得。衾枕。夢蘧蘧。形神成南北。何況身外具。爭奪毋。乃惑。靜思知命理。前賢有遺則。

超然立悟而非莊列之恟。恍遺物故為大儒之言。

龔鼎孳

七里瀨

崇臺雖謝登。紆嶺正延眺。攬裳恣緣沿。參復改岑。峭岸曲失前。渚陰多翳星。曜巨石峙。迴雪鏗鞞互。

吞峭層房或山椒。欹側吐清妙。運開蟠犀先。智寓。要領誚加腹。酬英游。炎鼎繫綸釣。逝矣璜溪載。詎。諧客星調。

十八灘雜詠

危纜穿斜罅。寒日濺紅濕。沿河咋嶢間。叫呼亦已。急。萬石啣孤舟。森然齒牙集。其狀各槎枒。力短斧。柯澁。所幸非重淵。篙師智能及。淒淒負舟子。露脛。波上泣。

嚴正矩

公巡臨平道上見田夫刈禾而賦

緩轡行陌道。輕塵戒使麾。茲行非勸農。而與農事
宜。停車細相問。不忍驅叱之。昔年烟火少。今復幾
流離。徵求非得已。民力亦恐疲。節歲年多儉。薄收
或免饑。取次田間內。誰爲稷與粢。衆農相顧言。或
此非官司。氣勢不猛厲。輿從簡容儀。中有一老農。
把鋤前進詞。筋力出面目。質古貌如鰲。自言耕鑿
久。生育兩男兒。長者供夫役。少者饋水糜。力役旣
已苦。又益以鞭笞。縣庭追呼急。老夫應徵比。涕泣

語未竟。感謝使君慈。余聞無以荅。憑軾但吁噫。承
乏惟待罪。工拙無所施。將尋五柳地。賦言歸去辭。

真惻
可感

署中隙地督僕理石種蔬

作計不厭拙。謀生固有端。無家託官舍。力力食指
繁。官卑得祿薄。常至匱朝餐。荒齋尺五地。瓦礫積
如巒。慇懃慰僮僕。芟鋤勿辭難。所期蔬得秀。充食
有餘歡。

似
陶

過漂母祠

傑士未得志。棲遲持竿釣。淮水碧潏潏。臨流值母
漂。悠悠無知兒。藐藐頻相譙。稠衆盛意氣。孱弱長
倨傲。惟母存仁心。懇勤且來召。祇因王孫饑。不爲
能虎嘯。翻嗤謝者淺。區區乃言報。千載一淮陰。慨
感惟母弔。

飲酒 古堅

潛園無雜植。秋菊未落英。菊下誰宜飲。翛然一淵

明。世事橫得喪。杯酒了枯榮。愁似因獨醒。樂以醉
中生。清夢從此穩。響籟不能驚。飲酒固有道。微醺
陶至精。笑傲濁世足。達曠有步兵。陶公飲不佻。清
真與詩并。詩酒傳千古。豈復羨公卿。

清真二字着飲
酒上殊覺靈動

閱東坡詩書後

讀詩如讀書。貴綜其大畧。執我以寬古。爲政毋乃
虐。蘇子詩卽文。龍蛇不可縛。泉流弗擇地。一一尋
源淪。剝節見層新。有如笋出籜。亦似脫匣劍。秋毫

過鋒鏑。雕弓走疾隼。長風裊孤鶻。千樹夾崢嶸。恠石阨幽壑。子來與我言。江天共寥廓。

雜詩

皓鶴寄園林。時美雲間鵠。賦性本閒適。胡事乃羈束。人生壯盛年。有如秋艸綠。霜雪不育遲。日月何局促。貢子未遺榮。疏公差知辱。裂素寫丹經。焚香觀玄籙。古人如可懷。前修以自勗。

郡齋閒坐書懷

憶昔幽居日。起坐忘百憂。床頭枕書籍。門戶有泉

流。自謂可獨適。夫誰不自由。蹉跎自不勝。倏忽三四秋。喪亂尋宇宙。干戈橫九州。秋風嘶戰馬。春雨沒耕牛。余亦避江上。瑣兮任沉浮。龐公不浪出。鹿門月色幽。一朝不揣量。如魚誤觸鈎。蒙恥思救世。此心空悠悠。自顧無長策。撥亂寡奇籌。咄哉東方朔。詼諧與衆儔。未若陶靖節。解組賦歸休。束帶還自誚。搔首引長愁。秋風意蕭瑟。空齋落葉稠。愧彼霄間鶴。慚茲水上鷗。羅浮雖可隱。桂海度無舟。家在九嶷下。舊林吾所投。

真清苦調無
一欺人語

咏巖子陵

炎運復中烜。漢道乃重光。雲臺圖俊義。勲業爛旂常。卓哉有子陵。垂釣卧滄浪。三徵並九辟。故友義難忘。披裘入黃屋。祖跣登帝牀。天子不得臣。客星何炳煌。歸老富春渚。比節潁川陽。高臺臨碧澗。烟樹共蒼茫。至今瀨上水。猶繞綠羅傍。

擬古

人身多一物。卽多一物累。唯鷓多其胡。求魚必蒲

內自謂可備饑。未饑先勞瘁。蝸牛不生角。蠻觸無戰地。羝羊不喜觸。進退何難遂。毛殼以亾身。矧云龜與翠。所以古至人。多悟無物意。

又

豎堂一萬間。止爲七尺謀。子身寢廣室。夜半風颺颺。置田一萬頃。止爲五臟憂。日午未朝飧。會計尚持籌。所謀何太拙。身反不自由。翩翩豪家子。千金換一裘。馳馬荆棘中。敝絮同日凋。但不櫻風雪。短褐亦九秋。人生貴適意。營營何自求。我慕四不出。

常○羨○三○可○休

又

功名千古事。生死百年春。龜勉百年中。續此千古身。孰云昧生死。功名復沉淪。所以賢達士。但願為良臣。湯武苟不出。伊呂終渭莘。嗟哉梁父吟。所遇何艱辛。才德本王佐。福命讓前人。厥志尚未遂。勞瘁隕星辰。乃使鹿門翁。獨自為天民。若夫嘆黃犬。小人安足論。

避秦

昔人競避秦。誰如徐市巧。智能使秦皇。竭力恐不早。數百童男女。選擇何窈窕。且復載五穀。預為備饑飽。舉國來相送。曾無一人曉。雖以明斷君。見此殊未了。樓船永不回。幾時嘗瑤艸。乃為斯人賣。臨死思壽考。力能掃六國。威莫加蓬島。反使島中人。長笑六合表。桃源雖可樂。尚覺天地小。終無漁人來。海外方浩渺。

地震

孰為撼坤軸。厚地亦震動。小屋掀窗櫺。大廈搖梁

棟響如朔風回。百竅皆叫鬩。勢如海潮生。崩濤走
洶。洶。泝。牀。榻。及。几。筵。欹。傾。隨。播。弄。踰。時。始。復。安。倏。忽
成。夢。夢。欲。揆。厥。所。由。此。理。殊。深。幽。或。謂。六。合。內。漭
蕩。共。一。漚。其。中。有。天。地。一。葉。等。虛。舟。六。鰲。支。其。下。
恍。惚。若。槎。浮。斯。物。苟。不。奈。如。山。墮。深。流。今。幸。未。翻
覆。偶。爾。棹。其。頭。河。嶽。皆。股。栗。兢兢。使。人。愁。斯。言。實
無。稽。荒。唐。未。足。求。吾。身。滄。海。粟。寧。爲。造。物。謀。祝。國
祈。周。曆。愛。天。抱。杞。憂。陰。陽。示。玄。象。軋。坤。可。冥。搜。易
卦。尊。京。氏。洪。範。祖。夏。侯。斯。義。無。差。謬。厥。占。有。咎。休
常。聞。載。物。體。堅。固。貴。凝。止。動。則。失。其。宜。靜。乃。安。厥
理。今。茲。都。城。內。一。歲。三。見。是。天。心。尚。未。寧。人。事。安
可。已。滇。黔。方。苦。兵。吳。楚。正。憂。水。聖。主。與。賢。臣。修。省
自。此。始。

荆卿

荆卿誠猛士。所策如嬰兒。寸七且不中。舉國立相
隨。召。公。數。百。祀。僥。倖。供。一。時。武。陽。不。足。責。子。丹。何
太。愚。獨。恠。田。先。生。老。成。寡。重。持。爲。何。圖。人。國。求。安
不。計。危。遂。使。秦。庭。魂。至。今。未。燕。歸。餘。子。卿。無。媿。難

見樊於期

季振宜

亾兄入夢夢盡淚存書寄樞前
曠野獸錚錚高山石嶮嶮金風吹浙浙
白水瀾瀾河廣激長流流急岸崩圯
見兄隔彼岸欲就乏舟艤遂有濟
予者亂流舟若駛呼兄兄呼弟相見
甚相喜攜持各一手分明見十指
顏色非平生無復舊冠履契濶豈
多年別離昨日爾長跪問我兄
胡為瘦至此兄云汝不知我今長已矣
出處異管

寧閱盡途東豕形骸關塞外日閉黃泉裏
青藤纏木棺寒冰浸骨髓隣寺聆鐘鼓
隔土藉荆杞天險難踰越地老瞻岵岵
朋友宿艸盡爺娘四千里爺精神正健
娘食無甘旨三妹又長逝白髮將誰倚
汝嫂目失光蛇膽覓燕市從來敬寡嫂
青鳥化童子莫我女饑寒我女方生齒
我聞淚下雨長跪不能起我欲有所啓
收淚復長跪白馬真死友弟曾無錢紙
遼東古戰場賢愚屍積委強鬼將軍儔
兄弱文章士一唱和者希筆硯雜弓矢
燐火連破冢

託足兄焉恃。兄云汝不知。夜臺無曉理。偷兒盜青
瓊。魂憑烏皮几。沽酒邀脩文。冉冉荒烟水。欲行我
自行。欲止我自止。天王聖且明。循環有泰否。招魂
復微官。旅襯歸桑梓。所遺七八口。汝當速經紀。寄
語掌史官。慎勿掛青史。天王原寡過。我徒癡妄耳。
我聞淚下雨。長跪但唯唯。唯唯更悽悽。得無我已
死。

申涵光

感懷詩

聖人垂大訓。時王制法律。法律有遁逃。鬼神鑒幽
密。天道如可呼。森然在爾室。操躬論瑕瑜。一心兆
凶吉。昌言無鬼神。小人以自逸。

又

松柏挺孤秀。女蘿自纏綿。纏綿若可親。霜雪難爲
妍。得失相規維。良朋罄所宣。藥石豈易投。後事稱
其賢。便便者誰子。巧笑藏戈鋌。寒燠變倏忽。失勢
無強歡。結交慎厥初。勿爲中道捐。

又

陶公非酒人。中心自有托。禍始伯倫輩。忘身事杯
酌。百行墮於嬉。囂吹無愧怍。壽命安可長。薰心誤
狂藥。又。六經信糟粕。精義將安歸。棄實採其華。烏用讀書
爲。猛志却聲利。出入循良規。文章有本根。賢聖以
相依。

又

弱水渺無梁。清淨得仙理。古之貪愚人。甘以金石

死。萬事謝輕塵。素琴對流水。歲月舒以長。誰是赤
松子。術士多大言。漢武乃終悔。

歲晏詩

歲晏百物息。艸木隨風沙。松柏慘不舒。况彼園中
花。層陰晝蕭條。微霰時復加。林中常鳴狐。屋上常
鳴鴉。豈不思遠遊。負手還咨嗟。陽氣動飛灰。枯荇
漸萌芽。巖威蘊華滋。深藏古所嘉。

又

東隣富珠玉。華屋睂常顰。西隣褐不完。絃歌無冬

春人生各有適。苦樂豈關身。詩書敦古懷。山川多
嘉辰。斗酒良亦娛。况遇同心人。寄語結駟客。莫憐
源憲貧。

苦樂不關於身
方是學問語

又

驅馬藁臺下。暮宿汴水濱。平原一以沒。將謁信陵
君。信陵昔好士。曳履盛如雲。敝衣抗華筵。屠門著
殷勤。降氣若無骨。勇畧摧秦軍。汴水日夜流。冠蓋
成古墳。不信貴公子。乃如史所云。

愛慕之極
善於立言

又

我有太阿劍。寶氣常干霄。飾以藍田玉。淬以鸕鶒
膏。出入常相隨。有如貧賤交。時平適不用。共棄荒
山坳。田父顧之笑。欲刈蕭與蒿。

寓金陵簡諸知己

去家日已久。天寒益顛顛。山寺俯諸峰。竹陰得清
寄。故人知我來。凌霜枉高轡。劇談見古人心。膽藏
無地。今人喜梁肉。鬼神護權利。士貧寔可醜。胡以

當君意折東張夜筵燈下盤食備子貧與我同乃
能致兼味顏熱聽高歌歌終帶涕泗四海尚甲兵
菰蘆有君輩時危耐曲折我拙非其類

詠古

我有燕山側昔有黃金臺千金買馬骨遂有壯士
來壯士不爲金感君重士心君王不愛馬馬死鹽
車下感會成風雨勲名難俱偶昔在泥塗中枵然
窮谷叟我來屬時危荒臺跡已沒昭王不可求坐
看燕市月

酬魏都諫石生

田園去百里早歲知名久空抱遠遊心垂釣依沙
柳維昔神州頽冠纓罹克垢先子赴丹泉九原無
愧忸碧血翳寒沙常恐艸木朽拾遺憤陳列共靈
齊北斗善善及兩朝將使風俗厚流涕捧奏書盛
夏衝泥走省月照華筵定交如杵臼吁嗟古道衰
官尊無定友豈乏貧賤交重門隔山阜江湖納微
未鄙詩常在口有時招公卿絳燭明戶牖側耳聽
狂言未覺布衣醜著書滿篋笥夜半蛟龍吼虛心

問所作得無遺笑否。君才本蒼茫。精悍實無偶。卽
如秋興篇。空同孰先後。禪心澹聰明。漸欲空諸有。
我歸掃石華。結屋行山首。功成憶赤松。來尋窮谷
叟。

將出都留別故人

蕭寺客已久。鄉心亂岐路。將歸翻不樂。踟蹰爲朋
故。十載棲雲岑。舊遊隔烟樹。豈不勞夢魂。田父戀
場圃。重來如夢中。傷心歷歲暮。所幸文章伯。招尋
忘旅寓。放歌無覩顏。有懷盡傾吐。脂車期屢移。馬
鳴亦廻顧。吁嗟各努力。出處保貞素。

擬古

高樓臨廣陌。中有千金姝。採蘭朝結帶。裁荷晚作
襦。葳蕤閉重闌。自樂笙與竽。使君驅五馬。樓前立
踟蹰。豈無媒妁言。未敢明區區。獨居競高節。令名
冰雪俱。惜乏山水幽。當此大道衢。

周肇

雜感

東海有姝子。結束矜光儀。盛年疑豔質。絕世稱嬌

姿常恐謁君王。入宮羞蛾眉。時遇遘漂泊。貞介永
自持。空房理朱絃。嘈嘈欲訴誰。容華待銷歇。寒饑
復低離。中夜起長嘆。儵焉想結褵。結褵倘見棄。俯
仰一何悲。願爲孤飛鳥。朔風依北枝。

又

桓靈玉虎交。奄媿炎精蝕。崔巍北邙上。豐碑猶矗
立。秘器擬東園。馳道連泰極。生時人力盡。死來葬
未得。盛衰一何倚。廢典使我惻。鬱鬱漢諸陵。石馬
無顏色。守冢知是誰。薄殮果聖德。含情持金盞。土

花淚如拭。

又

我聞漢天子。校獵何雄哉。嚴駕臨西苑。武騎動奔
雷。降王侍邛僂。後乘騁鄒枚。重圍旣已合。搏蹴聲
如虓。駭獸且看挂。狡兔狀亦哀。皇威誠熠燿。親射
白狼來。青駿神靈附。黃駟颺忽回。揮手示羣臣。賡
賞展談詼。燔炙芬毳幕。野饗浮螺杯。爲歡何終極。
曦光已西墮。上書鮮諷諫。鬱抑子虛才。但願解網
恩。寬仁覆八垓。普天苟同樂。曷用悔輪臺。

又
灞。澗。東。流。水。穠。穠。桃。李。枝。菁。華。難。永。保。坐。看。秋。風
吹。瑄。候。將。搖。落。桃。李。不。自。知。高。門。冠。蓋。日。東。閣。賓
朋。時。一。朝。恩。寵。去。梁。燕。從。此。辭。去。年。莊。青。翟。今。年
劉。屈。髡。覆。轍。相。尋。續。累。卵。高。必。危。牽。犬。望。里。門。鶴
唳。空。遙。思。英。君。秉。乾。柄。帷。蓋。恩。難。施。胡。不。早。辟。穀
白。雲。相。與。期。

懷陵述感

陵卽田貴妃葬處

寶曆三百稔。永嘉遽披猖。天意胡此醉。龍輶返何

鄉。東。澗。老。談。生。破。帽。擔。襆。囊。自。云。昌。平。歸。披。艸。拜
玄。房。居。庸。控。絕。塞。溼。餘。水。湯。湯。銀。山。守。熊。羆。玉。嶺
蟠。鳳。凰。盪。胸。渤海濶。勒馬醫閭長。一朝艸木盡。酸
風射睥睨。老兔蹲碧瓦。野蔓覆紅墻。上有懷陵碑。
字畫半頽唐。日黑久延佇。履聲隔廢廊。啓扉揖者
何。朝衫貌郎當。細睇乃中貴。問之曰徐良。白頭牢
落甚。含淚說先皇。昔年侍掖庭。柔謹屬俠廂。特敕
穿兩宮。貂褸盛趨蹌。屯閔遘凶逆。走匿殊周章。新
朝置冢戶。奉帖歸陵傍。灑埽歷居諸。始卒能其詳。

元年賜供田。割麥薦饗堂。六年被官府。抄籍徵秋糧。以茲受偏側。曷能備蒸嘗。除夕奉隻鷄。國忌炷辦香。影山岬相對。孤枕伴靈光。憶昔與信郎。神勇掃欃槍。如天儷陶帝。勤身逾姬昌。尚膳甘麤糲。澣衣襲敝襦。豈無昭華寵。誰敢舞霓裳。玉泉冷脂確。珠塵封炙黃。帳中恩意盡。從此謝君王。斑竹先拋淚。空留月未央。薄葬驪山足。魚盤自淒涼。詎知四載後。君王自歸藏。蚩尤犯天闕。飲飛倒干將。遷國敗南司。披髮訴穹蒼。子規叫莫返。崆峒髯已亾。同

兆已殊穴。隔代成幽傷。至今軍都巔。蒸暑起雪霜。樹亦不忍花。雁亦不忍翔。七哀哀未得。側耳徒崩塲。

子傲淹博沈厚命意擣詞每令人作數日想會寄太倉十子詩皆東南之美然卒遜子傲爲冠軍其與梅村相後先非偶然也讀此諸作豈不古色班駁居然漢魏

孔胤樾

和唐人宋務光海上作

天闕方生水。浮天水有力。壯士憤盈胸。拔劍思入測。曠觀宇宙中。巨濤吞萬國。時至則氣轉。詭異不

一色空濶蕩目光。天近益難識。浮動不關風。湍廻
自降陟。日出旣涵東。月出亦照北。日月浴其中。消
息安可得。倏駭鼉鼓鳴。萬彙不得默。蛟宮一息崩。
霆聲震絕域。星斗湧潮來。方位乖其職。縮合地與
天。上下波光直。賈艘入洞冥。閉牕省素慙。元氣正
渾淪。何處聞嘆息。須臾慶安瀾。光彩照無極。橫空
小鳥飛。近視數丈翼。

望泰山用張雲齋原韻

此云山色青。彼云山色紫。世眼小如豆。耳食辭多

詭。杖藜行數程。尚未及山趾。聳漢畏天傾。非以高
示美。中峰散靈秀。歷代展封禮。天地不寂寥。賴此
巋然峙。萬國蒼生心。向此認其始。不敢開觀遊。齋
沐思神理。

和薛行塢宗伯豐逃行

五載田里居。最悉田里情。雪牕呵凍筆。敢作豐逃
行。春郊杏色紫。陌上事深耕。豚蹄祈歲稔。僉祝室
箱盈。蒼旻鑒真朴。靈雨壠頭傾。田禾旣汗漫。狐鼠
更縱橫。誰云國賦重。國賦自有程。誰云雜徭煩。雜

徭亦有名。宦巧無遺計。政滄多密征。年以豐累穀。穀以賤累氓。百斛易一鋸。難停追討聲。痛哭呼妻子。相率辭柴荆。祈天雖得雨。禾生鱷亦生。但願多廉吏。星羅慰輿情。

田家雜詠

前時產一犢。今日差半強。春雨一犁下。湯湯數畝。長顧向妻子。笑。健步勝前犍。窮老無兒女。相依慰暮年。

依牛以慰暮年說得沉痛

又

蘆茅經歲積。呼童葺小扉。兒女歲時拜。艸艸備庭闈。國賦凜朝夕。官程不敢違。垂涕荷糧去。傷哉農苦饑。

又

里胥忽然至。歷言社甲名。秦楚責餉急。縣牒定先征。耰鋤未動野。俛首歛愁聲。鷄黃酒亦白。臨行傾敝簾。

又言賦對縣吏且中言草得朱紫山對賦行

春入土膏潤。播種二月中。百萼俱未發。山桃映日
紅。田叟愛灼灼。停鋤立蚤風。近窺無一粒。爛熳嘆
歸空。又 里香又 然至 蠶官 蠶甲 各奉 裝資 論 忘 絲 綉 氣 成
一旱八九月。黃塵飛到秋。溪聲亦不轉。簷泉亦不
流。起視禾與稷。葉葉向人愁。力田不逢歲。空盡陌
頭牛。又 盧內無書卷。青蓑映素心。夜來眠瓦榻。簷溜涓涓

音展足衝妻。夢有雨入苗。聲晨起呼童。笑荷鋤陌
上耕。又 奇而 朴

昨日見牛病。疑是射風酸。細計耕幾畝。尚未至廬
南。主人方責負。汝病我何堪。垂涕焚香楮。俯首聽
巫談。又

家住臨溪邑。磽田半沒沙。日脚下原野。斜映五三

家客過問前徑。鐺烹柿葉茶。籬上飛黃蝶。籬下蔓青瓜。

又
幾片不毛地。釀災直到今。里胥夜叩戶。半晌無人聲。細聽葦蓆上。奄奄婦病吟。無隣乞燈火。逃了何處尋。

又

亂後方歸里。同時有幾人。戰壘歛羣魄。黑月炳青燐。骨冷應無慮。愧茲尚存身。尋鋤拭屋土。從此起

艱辛。

諸作幾欲奪浣花之席不止得其皮膚

柳公榮年兄有咏荆卿二絕發義明確自是特筆因擬古言一首蓋欲生劫以報太子

此荆卿之所以敗也篇中深惜之荆卿有靈不知首肯余言否

延燕亦有策。殲秦亦有名。車騎募劍術。崎嶇不易成。荆卿原卓犖。太子分誼明。恩深無險阻。慨然仗劍行。賓客盡衣白。擊筑亦商鳴。義肝相激勵。無一

願卿生既入虎狼國論勢無兩平環逐不一決詎
希曹沫盟惜哉圖中七空發銅柱聲燕秦事已矣
易水迄今清

登清源廓外塔

浮屠剏何代疑非人力營驅車近勝地百丈午陰
平興到不計險欲窮跡罕經心氣自肅穆雅循繩
墨行所歷未及半回視魂魄驚紆曲力亦竭喘嘆
遂交并豁然開一境暗牖貯虛明萬象眺無際人
物豈孺嬰日靄風聲舉鳥雀繞衣鳴忽感天地大

胡為安小成歸來卧斗室幽夢入蓬瀛

心一酷好余所選唐詩盡鈔之以入奚囊
然其自為古詩真列乃爾不特靈心敏手
而豎義標旨固已無愧風人

梁以樟

秋懷

我行日以遠山川日以長出門畏徒侶四顧天茫
茫東去瀛海濱雲氣猶鬱蒼衣冠盡林藪此外非
遐荒滔滔逝南紀日月遙相望道逢鬻畚夫拾蛤
不盈筐亦有蓄與茶采采水中央持此未足飽終

念獻君王躑躅置路左涕泣沾衣裳

嚴霜下百艸蕭滅此凜秋氣志偶乘之百感增離
憂爲憂亦何所欲說靡端由長夜卽漫漫白日去
悠悠崩奔無停時元化誰能謀安能起神禹移鼎
奠洪州仲尼老徒旅微箕蹈誅囚酸風激海水一
夜披梧楸搖搖方寸心浩蕩不可收

又

東臨觀滄海碣石固長在輪紆鬱哈呀瞳瞳矗華

蓋扶桑拂高枝兩曜出其內南嘒威鳳翔北揖羣
龍會天吳震鼉鼓長鯨沈巨象昔余夢登天幽蘭
佇衽佩迢迢白榆路歷歷明星大清商動海璈鐘
鼓生靈籟仙人橫玉珥遙掖東皇拜起矚牽牛白
始悟軋坤外

又

出門望禹穴東南烟霜盈山川遺舊牒我顧思其
名歲月亦已久謳吟變黔羸父老說開皇舌鈍無
閒評江沙漲牛馬十載廢春耕我行甬水上雲荒

飛藿橫單衣裂棘棘一雁霜臯鳴采風問樵夫云
是句章城東有越王臺曾此沼吳兵烏鳶君子歌
激蕩海水聲斯事良已無日暮悲風生

又

長風萬里濤蛟川一夜雨豈無秦望雲不灑趙家
土莓苔生朽甲盾頭泣禾黍宵星沈恨血山精跳
城堵隕石六鷁飛麟經誰復補志士感陰氣遷人
困羈旅糗糒絕不御三日塵生釜出遇同學生面
垢色如苴陌刀夾隘巷倖會原上虜風雨化邸舍
日月爲豺虎行行避路衢毋使將軍怒

又

秋序忽復短日月不相除憂憂代新故有恨中如
愚玄蟬急暮林砧杵鳴寒廬僚慄傷我懷還讀篋
中書首陽厭脯肝東陵咽蕨餘朝營魯連宅暮宿
子雲居人靡不有初斯世遂已徂已矣勿復陳散
髮荒庭隅山燈出齋竇炤見好眉鬚潦倒二十年
寶刀化爲鉏出入隨我影不念腹中癯低頭媿古
人我始爲饑驅

又
男兒去故鄉。日走江南道。處處變雲山。殷憂遞以老。所適非所求。坐使中情槁。路傍見旅葵。潸潸顏色好。枳棘生車軌。霜眠枯樹倒。自我聞寺鐘。晨飡不敢飽。十旬九遇病。昏妄集懷抱。寒暑化微軀。夢覺時自考。人生喪榮名。損益無恒造。所有靡一存。斯焉庶可保。

又

朝行鑑湖濱。湖水清且漪。我欲解長纓。臨流一濯之。呂望八十叟。鷹揚笑其癡。何如賀秘監。皓首青門辭。長嘯乘海霧。歸拂珊瑚枝。明月下積水。薜荔清風吹。青山弔狂客。神鬼無荒祠。涉江攀木蘭。還與王孫期。蒼葭隱遙碧。深柳卧茅茨。何方無一曲。終老蓴鱸思。

又

秋蛩日夕鳴。歌哭同惻惻。我有萬古心。與之爲消息。微風送吹萬。陰陽受區域。細大無端倪。求之終不得。中心隱至精。衆感靡遺惑。連山見霜露。千里

共此色。胡爲尺席間。寢啗異鄉國。中庭垂橘柚。黃
落不見食。雜採蘭菊芳。物理自務嗇。去去歸南牕。
坐待佳人飾。歲月或我留。幽居司帝職。

當與屈
騷並傳

殷岳

讀史

太阿不在掌。神器積苦窳。周德旣已衰。子孫失其
叙。羣雄橫意氣。鼎隧啓納侮。玉步猶未改。王章尚
撐拄。胡然晉大夫。一旦薦茅土。葛藟芘本根。况乃

縱尋斧名器。苟不存。其它安足數。

又

歟。雲駕飛龍。真人屈羣力。扶義西入秦。始定三章
約。衆爭走金寶。何獨收圖籍。一軍驚大將。關東可
傳檄。借箸請前籌。寧復有遺策。寬大帝。王模要在
識。人傑一增。不能用。叱咤徒虛喝。

又

漢祚統三絕。天壤不可支。文叔素謹厚。稼穡空爾
爲。昆陽殪大敵。衆乃奇怪之。高屋建瓴水。四海仰

風期老吏。啜繡鬚。垂涕舊威儀。野次於鄙南。神龍
翔天池。中興稱絕軌。温恭惟德基。賊莽窮克詐。適
爲帝驅馳。

又

夫人知漢亾。桓靈相接武。玄德長民間。天屬綴如
縷。睥睨老中原。所藉無三戶。南陽耕卧龍。中道得
雲雨。險固餘益州。風軌小隆古。惜哉限一隅。國賊
逋兩虜。興亾皆於斯。尚矣而鼻祖。

客官渡除夕詠懷

大塊青萬古。氣候且暮殊。伊昔廣成子。學道老其
隅。軒轅生神靈。所問亦斯須。懷古尋往跡。何異乎
守株。高名義所存。庶幾少躊躇。

又

推遷歷六九。既往但艸艸。俛仰大塊中。何物幾於
道。原無適俗才。焉用託黻藻。時論多學術。認真爲
枯槁。折衷遡前賢。寡過以終老。

又

冀缺耕垆野。婦饁敬如賓。當其放跡初。雅意在食

貧富貴生榮華。貧賤多苦辛。妖冶不蔽席。糟糠白首新。抱道而隱居。門內有同人。

又
男兒有百行。爲改過者地。一節苟不慎。足爲終身累。何者貌榮名。何者載德輿。災祥匪天定。四體早相示。慄慄式聞見。鬼神其來基。

又
鼯鼠少河流。就飲穴江臯。前行葬魚腹。後隊猶牢騷。人苦不知足。所願于天高。射利網朝市。神鬼爲

告勞罪戾積丘山。一死輕鴻毛。何如綏山桃。得一足以豪。

又
艸木春勾蒙。輕折謂不孝。聖人體萬物。造化與同調。江河日流下。身外不相弔。增繳彌天地。機發無遺噍。安能懸日月。幽隱普光照。咏彼行葦章。惻然其來劬。

又
四體久頽墮。使令代其役。本以息倦勞。乃復增窘

迫食口不量家耕織鮮常格飛鳥集苑林游魚翔
深澤自顧賤且貧安敢多規畫優游老歲華莫愁
逆旅客

成性

伯巖懷抱落落從來不作近體其古詩位置甚高不欲作秦漢以後人語

古詩

丈夫自有志不敢勸君歸勸君君不來妾意與君
違今日破羅衫臨行新製衣別君幾何時春艸已
又肥

宋存標

甚古

古辭

道傍有兔絲不可以爲衣田中有燕麥不可以爲
粢虛名奚足羨徒令識者嗤白駒隙中過青霜艸
上靡良農愁儉歲無使甫田荒嗟彼禾與黍不戢
將萎黃頽齡能不嘆髫髻已悲傷努力各自持臨
風共徜徉

季開生

貧女

山中有貧女。閉戶理機絲。裊裊芳蘭香。皎皎琪樹
枝。幽豔常自秘。看花不出籬。愛月每忘寢。微吟隔
重溪。隣里難一見。何意使君知。漸車下危坂。鳳管
生荒陂。媒灼能宛轉。恐驚行雲飛。親舊爭慶美。寧
知女腹悲。

又

密髮垂玄雲。細眉揚秋山。芙蓉沐微雨。纖腰登翠
盤。淺愠與深顰。使君含笑看。冶容真絕世。左右相

見難。使君多左右。幸勿驕朱顏。好月不終夕。名花
愁歲寒。

又

恩為怨之府。疑為謗之門。春風留別院。密霧障重
闈。使君心一冷。百計不能溫。曾聞楚王姬。血飛江
水渾。又聞金谷女。甘傾樓下魂。皆存國士氣。慷慨
以報恩。君如知妾意。微軀安足論。

趙賓

雜興

燕趙悲歌地。市多游俠人。翩翩貴公子。纍纍富黃金。
結交少年場。屠狗列上賓。意氣片言合。密若平生親。
殉難不惜死。報讐輕此身。囊中黃金盡。一朝成昔今。
疇昔如膠漆。今爲越與秦。疇昔如形影。今爲參與辰。

又

青樓臨大道。朱闌出半天。上有燕趙女。碧紗隔輕烟。
高山鳴玉軫。白雪吟錦箋。門前車馬客。流盼自生妍。
千金買一笑。朝食費萬錢。豈無糟糠婦。契濶

動經年。椎布廢膏沐。塵土老朱顏。

又

我歸自關西。驅馬北邙山。山上貴人墳。縱橫盡成田。
上有樵牧歌。下有狐狸眠。翁仲纏蔓艸。鼯鼠羸寒烟。
斯人昔未沒。出入帝王前。片言能死人。隻手可障天。
寧知千百載。零落艸壤間。

可與建安諸子爭衡

王士禎

偶然作

春氣滿郊原。萬物皆可友。花葉無勞心。始荷天力厚。農家門向田。麥壠映南牖。習習春風中。紛披竟十畝。春雨復霑濡。荷鋤日八九。爲農貴天時。人事豈敢後。更聞簇眠蠶。柔桑垂手。

南皮懷古

朝發麻姑城。夕次南皮里。南皮昔名勝。羣賢扇風美。公子騎中郎。賓客盡才士。飛蓋兼羽觴。浮瓜復沉李。前軼繁臺遊。後絕蕭梁軌。風流一銷歇。故蹟空丘壘。鄴宮與漳臺。悲哉亦如此。

舟次桃花口望落霞

日暮涉廣川。南風吹片席。水波淡不興。烟景浩將夕。清漪媚淪漣。荇藻泛空碧。不知舟楫利。漸與塵囂隔。矯首青林端。落霞幾千尺。冥冥沒去帆。歷歷銜歸翮。蕭蕭蜻蛚鳴。悠悠清露滴。太息山中人。胡爲久行役。

柿泉

數峰綠不散。下有清泉響。披艸注雙溪。迎風下千丈。松桂落深碧。冷風送朝爽。素鱗時隱見。碧蘚自

生長往往水石間。涼雨灑衣土濠。漢千秋人臨流
愜孤往。

拜季子廟下作

我行延陵城。懷古心苑結。讓德邈已遠。流風緬曩
哲。州來季當立。高懷寧詎屑。躬耕表遐志。亮哉子
臧節。慕義永無窮。穹碑字難滅。所悲於潛役。國亂
相更迭。伍胥進勇士。鮒諸踐王血。遜位固高義。復
命忍臣列。春秋不名賢。書札理當晰。嗚呼三代後。
斯風久淪絕。廉節起頑懦。尚論義常竊。縞紵思古
人。空祠颯寒雪。

招隱寺

筍輿越黃鶴。連岡帶平楚。歷歷南朝松。風吹落寒
雨。石楠紅始垂。沙泉碧方吐。遂造戴公山。風氣何
清古。山門映殘照。雙泉咽寒嶼。玉蕊不復見。空亭
閉荒塢。戴公昔通隱。風流照巖戶。激泉彈名琴。東
巡動人主。清風一銷歇。初地留空宇。金碧漸凋殘。
林壑自清舉。蕭條黃葉落。寂歷幽禽語。廻澗起涼
吹。經堂罷齋鼓。緬想剡中人。蒼茫久延佇。

寄廣陵趙五絃

日落楊子江。江上丹青樹。寒雁下蕪城。遙山隱瓜
步。天末懷佳人。前期邈烟渚。

又

一片邗溝水。遙通甓社湖。永懷千里別。言念一春
徂。淮南與江北。處處長蘼蕪。

似孟浩然

又

阿瞞有才子。懷抱羅春雲。飛翰一絕跡。超然離垢

氛。展巧試作劇。邯鄲嘆天人。傳粉復袒拍。擊劍有
如神。胡舞五椎鍛。逸氣矜衆賓。馳突窮古今。妙義
縱橫陳。劉楨賦公讌。王粲歌從軍。奴輩苟容媚。呶
訾安足論。

公讌等詩諛過甚誠可嗤
鄙昭明雖入選不足存也

魏裔納

東彭士報

忘情學古人。君具烟霞骨。失意每放歌。奇句多突
兀。仗劍涉洪流。遍探風雅窟。兩年客京華。意氣如

溟渤患難從余兄。高誼何可沒。憶昔過鄙城。倡和以時發。別墅共登臨。松間弄明月。俗塵猶未了。嗟余日汨汨。筋力漸頽靡。葭霜變鬚髮。薄田對南山。山氣清且醇。留滯不能歸。中懷空鬱勃。終當反故林。與君採薇蕨。

有青蓮之風

和崑林仲兄思鄉作

世風日以頽。歎息令人老。誰攜經濟術。砥此狂瀾倒。百年且暮間。莘莘北邙艸。瓠落無所成。何以慰

懷抱。有兄彭水涘。有兄東華道。相去各千里。離情空浩浩。

過伯倫故里至安肅

伯倫沉醉後。螟蛉視二豪。意中別有托。非但舖其糟。余昔少年時。痛飲聲嘈嘈。白眼看一世。胸次何蕭騷。玉山頽月下。狼藉卧蓬蒿。不識地之厚。寧知天之高。轉盼已四十。頭上雜二毛。鼯鼠量漸狹。未敢屢醜醜。古人作抑戒。所以警貪饕。寄語劉沛國。五斗漫相勞。

深知
伯倫

郭外雨中作
冬來積雪多。春雨復如澍。水氣騰四野。平林滿烟霧。黃壤變沮洳。生事何能裕。涕河道已迷。衝突良可懼。莫稽疏瀹功。導之使東注。

具大
經濟

丁浴初

白鹿洞新成

古帝肇九州。青徐載禹貢。環山與帶河。天險壯缺

夔陵谷幾變。遷時數杳難。控鴻溝。割楚漢。淮泗起鬪。閔溺屍蔽睢。流喧聲撼嶽。動千載汗血勞。荒寢沒翁仲。茅屬幾姓士。氓隸誰家衆。嗟古英雄輩。俯仰真堪痛。世事盡如斯。打破邯鄲夢。莫傷空谷駒。漫羨朝陽鳳。玄中三十六。頗有清虛。南山乳滴仙。朱明萬緣空。猗玗元公居。華陽聞人諷。我生白鹿泉。爰作白鹿洞。鑿隙可通天。因山不須棟。青苔借爲裯。白雲權作幪。宮懸聲瑟瑟。奇禽忽矍矍。村酒任意沽。素絃時一弄。

顧大申

曉晴驅車滕薛間。飲馬立泗水。愴然望終古。仲尼蒙旅塵。征車頓齊魯。登山無斧柯。蟪蛄聲獨苦。子輿當七雄。違俗悟顏主。仁義動矛盾。井校亦相左。桑漢奏咸英。巴渝振韶武。百年環輪轅。千春傷兕虎。哲人固如斯。其次曷足數。蕭蕭泗水雲。遙遙覆梁父。我欲窮青天。朝霞蕩陰雨。改轍阻且艱。徙倚竟何補。

戚城

漢帝營六宇。羣雄受羈繼。徒手并秦項。壯心頓房闔。楚歌抱幼子。飲泣訣愛妾。羽翼彼已成。恩寵中道歇。含笑謝四公。虺隤痛傷割。朱顏銷永巷。旨酒摧晨獵。清蹕不可期。黃泉為誰說。我來戚城邊。蓬飛風凜冽。烏鴉啄城頭。巢傾烏子滅。不見當時人。但聞水幽咽。烏飛上高柯。未央宮若何。

見山著述甚富詩原一書砥柱狂瀾

張文光

贈友

吳山第一峰有丁仙翁者白日乘鍊鶴飛
去吾友丁野鶴神仙中人也酒間談及故
以鍊鶴易之

久客思故鄉久別親故友春風隔絳帳契濶亦已
久今夕是何夕相對意轉厚談笑動高旻賓主忘
行酒起視山頭月滔滔向西走百年真轉瞬萬事
復何有及今不爲歡後日徒回首嗟我風塵姿羨
子雲霄偶醉裏呼鍊鶴曾記前身否

野鶴頗有鍊鶴之風

望泰山

朝來山色青薄暮山色紫自然生靈秀未嘗競奇
詭雷電纏山腰日月出山趾氣象鬱磅礴豈其遊
觀美七十有二代敬展東封禮五嶽非不尊胡爲
宗泰峙體元羣帝先出震萬物始下士若醯鷄焉
能識神理

識剖鴻濛

後婦行不刺窮愛身難避難如敵其熱
春華未及實一旦遭風雨離披媿松柏徒然怨泥

土霞彩燦桑榆莫能蔽村塢鴛鴦七十二賤妾亦
爲伍。遂充君下陳。寵愛良難數。戚施共燕婉。展轉
慚無補。偃蹇任侍兒。慙勤通保母。區區自束縛。鬱
鬱不得語。獻君一杯酒。願君千萬壽。寧爲薄命妾。
難爲再醮婦。敢告後來人。初心安可負。

晨鐘發
人深省

沈 荃

送楊猶龍先生晉蜀左藩

峩峩蓬萊居。藹藹承明扉。伊昔金門間。俯仰覩光

儀。華星爛層闕。離采揚其暉。玉衡一西指。去我倏
若遺。悠悠晉陽阪。忽忽長河湄。良圖無近跡。駑馬
不能追。君子樹令猷。靡盬馬足悲。

顏謝
之遺

董文驥

宜河驛西土穴中食宿

阪上洩烟處。此來停使車。甕牖樓而入。鑿空其中
虛。穹隆四壁危。竈區一牀餘。據地餐艸艸。枕塊夢
蘧蘧。土崩懼將壓。王命負微軀。歎息半秦民。復穴

沿漆沮。我生萬室邑。胡經鳥獸居。他年巖穴老。積
土比渠渠。朱門白玉堂。尚苦神未舒。菅茅蓋牀席。
風雨除琴書。一身足。偃仰何必廣。弊廬。

無定河

昔聞無定河。遠使河之淚。源自大荒來。濁浪吼千
里。奔流何湍悍。頽沙性善徙。地是古戰場。四顧悲
曷已。其窟漲征魂。貂錦三千死。時清無戰骨。水寒
終北鄙。磨刀刀未瑩。飲馬馬不喜。一望塞垣深。九
月邊風起。歸渡會冰堅。悲哉遊宦子。北首遡河源。

怨此南流水

施閨章

自西山淨德寺至隆恩寺宿

馬首見西山。乘輿陶嘉月。振策峯已紆。陟巘磴逾
滑。菌閣陵玉峯。蘭榭耀石室。琪樹寒始華。紅藥蕊
初結。披拂散心顏。榮落皆愉悅。暮鳥歸巖扉。陰雲
如積雪。松林息萬籟。清響中夜發。樵隱易爲歡。市
朝性所拙。眷言采芝人。毋使春芳歇。

香山寺用李空同韵

靈山不在住。一遇豁懷抱。石棧緬杳冥。宮觀切蒼昊。孤岫集衆妍。人事殫天巧。鸞鶴旣雲際。蟾蜍復林杪。要眇棲隱淪。峻嶒限幽討。俯首攀香爐。流目睇洲島。杏園藹已綠。落英紛可掃。萬象春濛濛。踈烟晴浩浩。東軒想翠華。隔代存芳艸。宸翰書來青。龍蛇何天梟。

贈楊猶龍太史二章

巖巖石門山。洋洋廣阿澤。令德揚芳徽。匠心多剗獲。抗手馭蛟螭。開口吐霹靂。清輝發懷袖。虛白生

四壁。俯視何闐闐。車騎橫九陌。黃埃夾轂飛。荏華銷金石。誰知閶闔迴。中有艸玄客。

又

虎嘯生冽風。百獸駭且避。丹鳳鳴雝雝。羽族皆斂喙。四海一浮雲。夫子炯高義。黼黻耀文章。衣裳懷薜荔。南風病不競。北音苦蹈厲。獨爲絃歌曲。清商激繁吹。一彈白雪霏。再彈玄鶴至。

蔡含靈

感雪

出門何凜凜。雨雪中夜落。隆寒侵我裳。重裘爲之薄。感慨念宿昔。蓬廬正索寞。幼稚嗟盈前。脫粟間薇藿。丈夫志高騫。乃爲造物縛。風雲會須時。一粒安能掠。寄言天下士。居易守吾約。

又

皇靈無私育。萬有遂其生。如何茲子遺。困急獨笑笑。北風密玄雲。冰霜結重城。藜藿常虛腹。鶉衣不掩形。號泣哀中夜。豺虎復縱橫。豈不厯宸念。高榭隔微聲。養賢及萬民。大易著其貞。感慨不能寐。

憂慚負

聖明

述樓

出自廣陵門。岡阜纍纍起。野老話遺踪。隋宮昔建此。述樓今不存。基廢爲佛祀。二十四橋邊。陂塘舊沼泚。餘皆無彷彿。代遠事莫紀。我來藉艸坐。北風吹野水。壯麗一朝盡。雄才亦已矣。苦樂更迭爲。達觀自如此。顧以元后尊。不同繁華子。乘輿一日遊。窮簷勞欲死。天下爲一家。何擇江都美。逸樂不可長。王者重生齒。

送陳天祓出守長沙

朔氣動寒色。空霜澄江影。美人泛星槎。駕言遊湘
郢。朱旛懸不御。琴書供幽靜。君行胡乃寂。約已民
胥省。長沙接黔蜀。地勢控湖嶺。年來事征伐。桑柘
生虛井。美人夙寬誠。廉威罔攸猛。七十二峯間。坐
令凋疲整。高堂資善養。窮簷蘇引領。濟時良不易。
顧此常耿耿。為再語靈均。今益難獨醒。

謾謾如松下風

吳雯清

入法華山夜宿石人塢

翔步入深林。山山值秋暮。薄言揆其幽。蒼黃漸前
路。籬落突烟火。老樵獨持瓠。徘徊桑畝間。閒閒語
情愫。竹徑通僧舍。古木共盤固。明月空谷中。石人
影。相。悟。

末語可悟

汪琬

感懷

天地不自照。所恃日月行。艸木不自華。所恃春風

生君看磊落士。慷慨懷功名。身無羽翼助。長揖凌公卿。擊筑易水上。走馬漁陽城。崎嶇多拙謀。意氣徒縱橫。

顧如華

傳聞上賜曹侍講本榮袍。鞞喜賦因摘杜工部奉先縣詠懷詩四句起興。

聖人筐篚恩。實欲邦國活。臣如忽至理。君豈棄此物。我每吟斯語。不敢羞布褐。季世錫予濫。頓令光寵薄。生逢堯舜君。誰能皆邇關。元此介石人。綢繆在滿幄。主眷日以殷。宸聰日以豁。真。有。啓。沃。勞。寧。愛。尚。方。帛。賚。與。補。袞。手。成。就。一。人。德。有。若。傾。陽。葵。花。葉。暖。入。骨。不。聞。朱。侍。講。當。日。蒙。此。渥。君。賞。良。不。僭。臣。心。益。往。復。

從工部四句起
用意深厚之極

高輔辰

和淵明諸詩

築洞欲摹山。勤將奇石積。置我一壑中。僻志亦如昔。白鶴適意眠。返首入翎翮。暫資泉石觀。心未雲

霄隔戴笠。劇松苓。人生豈無役。曠觀命世才。英雄
在簡易。靜力有真寄。羣理森然析。爲習霜雪功。高
懷鬱寒栢。

英雄在簡易
有見之語

張競光

贊百詠懷

獨坐懷百憂。攬衣望山阿。牕戶生白雲。荆扉結綠
蘿。臯蘭霑湛。吟嘯憇高柯。此中有真趣。日月忽
已過。去者勿復返。長夜恒苦多。放情從所欲。網緼

亦諧和。持操遺安愈。撫膺挹清波。媿無南榮戒。營
營將如何。

贈姚爾舍

江水莽浩浩。崩奔何湯湯。蹠足騁極覽。風波惻中
腸。卧疴投吾簪。飄飄還故鄉。故鄉多良朋。相與共
翱翔。朝戾碧水湄。暮憇西山陽。明鐙散廣坐。甘醴
行無方。歡悅嘗美好。歛吸飛流光。馳情愛萬物。養
生誠未央。投心仰禪寂。是願初不忘。得性豈外求。
端操勵深藏。忘憂遺物慮。萱草握芬芳。

五言古下
陸求可
夜行
破夢出孤村
樹下見星露
盧墓犬吠半荆

溯洄集卷二五言古下

相鄉魏裔介石生選評

禹航嚴曾築方貽
錢唐顧之瑜不瑕
校訂

五言古下

陸求可

夜行

破夢出孤村。殘月光初吐。何人夜飯牛。燈火隔遙樹。下見星露寒。依伴赴晨路。四野盡塗泥。高低測盧墓。犬吠半荆莽。車音續古渡。何以辨宵晨。肅肅

起鴻羽。大半隄。黃車音。蘇古。或所以。辨。寶。其。流。盡。
樹。吳。貝。洪。靈。寒。亦。非。其。是。始。四。理。盡。全。或。高。亦。盡。
如。其。積。善。行。數。且。次。而。出。內。人。或。始。半。登。火。謂。其。
人。生。百。年。間。速。於。鳥。過。隙。金。玉。積。滿。堂。誰。能。買。白。
日。幸。無。貧。賤。累。多。憂。良。足。惜。莫。向。三。山。望。神。仙。不。
可。接。古。下。

張純熙

雷州府

雷亦屬象郡。在粵真窮荒。三面皆環海。一望莽茫

茫。陸地無竹樹。民不知蠶桑。羣盜久縱橫。聚各
為強。反令朝廷稅。盡入為私糧。亦有數子衿。目
不睹文章。勞勞一使臣。驅車入此鄉。豈不憚艱辛。
簡書未可忘。伊昔有雷公。生即守此方。功德存遺
老。土人祀祠堂。歲曾獻雷鼓。傳言屬荒唐。中有羅
湖水。齒蒼十里香。東坡與子由。相從泛月航。今我
來此地。湖水成平岡。時序已新秋。炎蒸乏微涼。春
穀雖半收。秋稻未登場。海風吹飛雨。壞稼損民房。
老稚無趨走。號泣徒徬徨。何辜令乏人。而乃罹此

殃上書達九閣。間關萬里長。欲賑殊無粟。展轉情
內傷。中夜不能寐。淚下霑衣裳。

雷鼓之說荒唐殊甚讀此
可以破惑詩有恤民之意

錢朝鼎

雜感

種竹須去稍。樹蘭須去根。根多土膏薄。梢長風多
翻。大道在寡默。物理惡繁喧。孔言約鮮失。帝謂德
無援。我昔好文具。纍纍雜亭軒。一朝盡屏却。閉戶
渾忘言。始覺日月貴。乃睹天地寬。營營夫何為。悲

哉蠹處禪

有絕華務
實之意

又

公輸持空柯。三年不成器。后羿懸曼矰。經歲不捨
矢。紉履遺干將。執爨汰糠粃。愚哲本無定。因時或
聖否。蓬萊東海鰲。粒米封壤塏。逍遙各異事。相去
或盈咫。君母是所非。我母非所是。申申詈何為。殷
勤謝予姊。

又

一人一髮膚重之如鈞弓。一人一骨肉賤之如轉蓬。宅第矜許史。冠蓋誇嚴終。福盛禍自致。循環實天公。朝垂子陵釣。暮菽周顒松。俯仰庶幾遂。遑止恤我躬。長安雖在西。矇眙笑向東。

楊繼芳

讀參同契

日月運於天。坎離充我屋。大哉氣與心。虛實勿相失。心虛道來居。氣實斯無疾。靜中乃可遇。久成戒。

外驚參苓詎。永年鉛汞亦有誤。以道治其心。心寧氣自固。

可以論道可以養生非
大悟後不能道隻字

讀楞嚴

妄自不妨真。何勞辭剝啄。認真更多妄。何如常抱朴。譬如岐路迷。覺後悟乃確。覺迷迷即滅。迷滅復何覺。

又

居心于靜中。百感當自絕。靜中苟有感。擾擾終難

徹○眼○翳○見○空○華○翳○除○華○自○滅○寧○于○華○滅○處○更○有○空○
華○設○

故知一切鋪設之語皆屬妄見深得艮止
之學昔人所以謂讀一部楞嚴不如看一
艮卦也

暉于邁

登泰山

萬○影○皆○在○地○日○月○高○無○餘○風○輪○載○厚○嶽○縹○緲○騰○其○
車○滄○海○現○我○前○欲○往○道○且○紆○仙○人○騎○白○鹿○貽○我○月○
明○珠○服○之○羽○翼○生○頃○刻○過○方○壺○六○氣○為○鸞○鑣○逍○遙○

遊太虛

又

鳳○凰○翔○高○岡○壁○立○萬○古○石○磨○崖○挂○青○霄○探○海○墜○霹○
靂○午○朝○東○皇○宮○暮○謁○聖○母○宅○匏○瓜○在○天○頂○一○手○良○
可○摘○道○逢○王○子○喬○冠○帶○尚○如○昔○

又

埃○氛○遍○八○極○虎○豹○叢○榛○苓○有○客○卑○中○原○披○雲○觀○皇○
靈○廓○然○見○天○地○萬○壑○皆○空○青○松○盤○秦○時○蓋○崖○出○漢○
馬○鳴○燁○赫○久○已○歿○山○川○著○真○形○日○觀○觀○無○始○震○動○

開○杏○冥○晝○夜○有○常○期○元○化○流○太○清○願○言○駕○白○鶴○瀟
灑○上○大○庭○天○此○萬○空○皆○空○青○外○盤○素○劫○益○出○雲
造○物○為○鼻○祖○鴻○濛○萬○生○源○何○年○錫○土○姓○我○乃○嵩○之
孫○大○道○本○無○形○中○央○見○其○根○恭○承○照○臨○日○堂○陛○生
蕭○森○

呼吸可通帝座非
僅遊仙飄渺之語

入井陘

昔○聞○大○行○險○今○行○井○陘○道○獲○鹿○當○咽○門○嬰○埤○踞○蹲
豹○委○蛇○側○肩○進○兩○山○夾○奔○峭○冷○冷○魚○貫○風○窮○崖○掩
羲○照○登○車○望○崑○崙○弔○古○出○幽○妙○天○塹○不○可○踰○守○之
得○其○寶○

翠蛟潭

仲○冬○凝○陰○合○屈○曲○羊○腸○路○焉○得○樹○樹○花○燦○此○萬○山
素○舉○頭○望○青○昊○石○壁○向○空○豎○忽○然○上○高○巔○澗○底○白
雲○注○既○登○掛○遠○崖○苦○無○涉○筆○署○因○思○在○艱○難○何○以
適○佳○趣○鏗○旬○風○出○雲○所○惜○未○成○句○冥○冥○翠○蛟○潭○將
無○息○鯢○羽○

煮雪

烹冰出雲氣。酌之清且甘。濯漑稍不潔。至味非天
完。凌晨望山頂。瓊瑰皆可餐。焉得貯萬斛。手擘龍
鳳團。敲石念舍鬻。之子何辛酸。皓首隨飄風。長饑
在天南。

寒香
浸骨

燈下獨酌

譬若燭短長。人胡苦茫茫。膏火誠自煎。風過能不
傷。白雪向霜髻。精神漸銷亡。兒女但天意。形骸任

低昂。氣志既坦夷。饑餓亦相當。牕前梅花發。隨意
傾壺觴。勿為形影嗤。有負四壁光。

含萬達人也
疑有仙才

和羹

咨伯王子以詩見贈依韻奉和

王子負豪邁。探玄鼓幽响。睥睨卑大荒。孤懷絕塵
想。結廬在雲坳。俗客毋敢上。冷風載詩瓢。寂寞自
偃仰。林池富禽魚。圖史窮奇賞。于我諧古歡。披襟
坐空爽。願言剖羈勒。曳履共長往。

坐空又。願言時。譚律與。風共。是。我。
生平任磊砢。薄世如敝屣。埜鳥貪雲林。溪魚戀沼
沚。懼此苦拘束。乾坤不我救。風霜侵篆榻。冰雪覆
杯匱。勞歌自灰頹。歲月云暮只。撫肘感孑遺。無以
慰居止。大麓沒荆綦。深山藏虎兕。剗割資經營。汔
可輯閭里。枯桐泣冷絃。饑鶴悲倦趾。長貧不受錢。
暮夜直如此。奇舛性所耽。困窮固應爾。隣封有賢
豪。聞風竊相喜。爲我投瓊瑤。殷勤不加毀。大道重
聲援。敗類殆吾恥。遭運勉節義。正氣格奸宄。

又

山川發幽籟。恍若奏簫鼓。中有餐霞人。凌空縱豪
覩。文章富兩京。道德宗東魯。俯觀糠粃士。直欲掣
斤斧。逸翮埋雲堆。衡茆羈繡虎。風月投奇懷。圖史
訓蒙詁。天倫篤素歡。謳吟不出戶。惟我獨風塵。不
遑賦將父。相逢醉欲狂。擊節還起舞。意氣無古今。
車笠堪同譜。管鮑有真交。高風傳步武。

徐乾學

述古

鄴都盛賓客。文字傳黃初。插貂佩華紱。曉入承明廬。日暮遊西園。連翩隨後車。盛稱主人德。載筆多。次且。饑鳥傍簷食。庭盎潛遊魚。覽彼公讌詩。使我增欷戲。

又

巨魚揚鬣鬣。漁父舉網隨。翡翠耀日中。服美身益危。李斯方說秦。陸機初入洛。咳唾風雲生。冠帶相追索。謂若重丘山。須臾在鼎鑊。榮華會幾時。迅風驅長薄。所以賢達流。進止有權度。採擷莫盈筐。汲

泉莫多酌。苟能齊物化。安事西山藥。

感遇

汲水辨澆淄。染絲別黑白。古人傾蓋間。流品先已擇。寸心苟相投。薄軀非所惜。寶劍解贈君。出入耀光澤。分手去路衢。萬里無間隔。結交不須多。樽沓亦何益。寧聞管鮑家。堂有珠履客。

劉梁嵩

擬古雜詩

種葛陂塘側。涼颺吹葛黃。腰鎌肆采刈。遙見雙鴛鴦。

鴛橫塘濯清漪。五色相輝光。生性結雙栖。同心飛
成行。展轉鳴其儔。爲歡安可量。禽鳥有良匹。人事
徒參商。

又

臨觴撫瑤席。芳醕延良時。驚聞烏夜啼。寂寞謝公
池。憶昔宣城守。池上車輪遲。宵燭接晨歡。金犢絡
青絲。忽忽節序愆。寒律無暄吹。旣乏連城珍。徒耀
崑山姿。俯仰今昔間。川原况已移。外習耳目煩。內
苦神志疲。往緒重與陳。矢念良如茲。願言結悃誠。
所樂吹埙篪。

又

素手束齊紈。千絲成一織。晨光勳黯戶。黯織忘晨
食。持紈倚市門。易麥可斛十。道逢榮戩期。鹿裘負
寒日。長嘯行過之。相顧如弗識。長安三里許。光發
紈采赤。驚聳霍家奴。展玩波斯值。廣樂羅中庭。綺
筵侔百尺。裁紈作錦茵。履藉金張客。吁嗟一束紈。
遇合殊難匹。乃知萬物理。爲用資所適。塞馬視越
鳥。安得同南北。

翁夫人血影石

養士三十年。遽食侍中報。况復感幽貞。松筠竟同調。時當靖國初。家難成開造。改顏祇一姓。徵兵初奉詔。奈何羅磯湍。視死如歸棹。橫波怒欲發。骨淨惟忠孝。天壤無此種。日月將沉曜。是以比懷湘。涉江堪並弔。夫人起井臼。義烈公熟料。邏者謀方聞。先期全所操。死國既足傳。死夫亦云效。獨奇石上影。碧化千秋照。湯湯淮流水。貞魂滯靈耀。國士遭龍戰。節勁虎與豹。昭哉女子心。矢貞無二道。我來

祠下拜仰止。動悲嘯。鬱影若雲沉。精英凝月皦。運會雖有遷。劫灰不能燒。寒林一片石。百代繫風教。對此六朝山。嘆息侍中廟。

五嶽起方寸
隱然詎能平

張櫛

望岱

策馬歷層巒。東嚮方引領。劃然數峰開。天末蒼茫影。烟霞迷磴道。雲物生高嶺。浩溥通太虛。渾淪函至靜。天風下鳥隼。深秋氣蕭冷。遙想萬仞巔。幽異

非人境。曠觀猶有待。中懷爲耿耿。

過泗水謁仲子祠

方吾讀書時。晤君簡策裏。今來泗水濱。堦前見容止。碩德峻不回。古廟日已圯。鳧山峙東南。青青正未已。擊楫發浩歌。古今同如是。乘桴有深心。吾願從吾子。

周六鑄

湖上

秋來湖上閒。正值高雲敞。十里蘆荻窮。水色忽開

朗。風吹碧未休。四望平於掌。烟光互起滅。空發明幽響。天濶大澤深。孤雲自來往。

王岱

藺相如回車巷

邯鄲城中

南山有猛虎。北海有神龍。二物各有托。變化生雲風。將相不自調。安能成大功。趙地實彈丸。所賴廉藺公。兩雄倘相厄。社稷當塵蒙。相如具神勇。返壁羸秦中。回車避武人。權智安可窮。

田家雜興

日月不駐顏。壯髮摧哀慕。父母有黨屬。二三骨齒
暮。剪紙魂方招。鋤又營墓。一身如巫咸。顛倒爲
鬼。誤人命氣歸盡。捲舒類風霧。滴淚將何聞。徒令
有生惡。莊樂欲令歡。釋罪欲令懼。悠哉遠行人。委
化豈復顧。

王曜升

擬古

日月去云速。別離一何長。道遠樂自殊。洵美非故
鄉。汎汎河之洲。中有雙鴛鴦。歲晏苦疾風。比翼相
翱翔。脩塗渺無跡。顧此心徬徨。雨雪淒以悲。停車
淚霑裳。何因揮魯戈。爲君駐顏光。努力登雲衢。東
西永相望。

又

旭日映綺牕。和風颺文縠。有女顏如華。當軒弄寒
玉。初彈別鶴操。再奏哀鸞曲。四座慘不歡。聊以慰
幽獨。東樓倡家子。豔歌苦煩縟。掩抑未揚辭。聽者
踵相續。知音古所難。靡靡本諧俗。安得素心人。酌
之以醴醕。雙雙作鳳凰。飛向梧桐宿。

有古意

唐世徵

朗陵江上陶仙祠

肉身如生

隱何必三山。函何必石槨。玉顏自不緇。天上翻不樂。流目注寒鼎。夜來聞撫鶴。始悟靈文假。長愁石髓錯。小江百舟燈。散作芙蓉郭。誰灑衣上霓。孰司洞中鑰。

吳初

述懷

不寐達終宵。倚杖看天白。歷歷我生初。飽經離亂厄。杌隉庚辰間。板蕩甲申役。烽烟黑四郊。直北千里赤。播遷將安歸。豺虎中道隔。白骨滿川原。城郭無屋宅。躑躅望南天。天南或可適。不謂渡京江南。中事更劇蝗。旱逾三年。征輸無停夕。百室無十丁。罷不能踰閩。日暮山鬼愁。孤村絕行客。讀書華陽山。放舟洮湖澤。芳蕤澤畔蘭。清冽山中雪。以此娛春冬。經年足研悅。喟彼首陽巔。長饑歌采蕨。更唱湘水濱。憤懣投蛟窟。世路苦多岐。何復臨不測。卓

哉五柳生。景行沮與溺。掉頭歸西疇。五斗腰不折。
人生誰百年。百年亦過隙。繁華不染胸。憔悴不沾
色。生既逢不辰。孤忠必見別。何如素心人。清泉漱
白石。邈然攀前脩。高風殊可接。

江上雜興

倚杖看潮來。獨立斜陽裏。遙聽艫艫聲。札札帆初
起。漁翁挂綠簑。亦趁桃花水。

又

夕景下烟波。密密懸魚網。嫁女與鄰船。老稚喧橫

港。冥冥江沉樹。猶聞洞簫響。

彭楚伯

雜詩

好鳥集高樹。避人長自飛。日暮投深林。離羣徒苦
饑。感我枝棲者。煢煢欲誰依。艸野悲多難。謀身何
所歸。沉憂卧深山。歲儉使人訖。日月對詩書。風雨
莫相違。

又

清冷幽士舍。淵深仙人宅。隱居讀道書。門無車馬

跡○延○年○不○服○藥○長○生○歲○幾○百○歎○彼○栖○栖○者○三○十○頭
能○白○數○窮○悲○不○偶○淪○落○復○何○惜○

延年不服藥
深有所得

又

閒○采○山○中○藥○時○上○最○高○岑○淵○深○適○何○處○大○隱○在○前
林○長○日○清○肅○氣○西○風○吹○我○襟○孤○坐○蒼○松○下○不○息○惡
木○陰○有○鳥○翔○高○樹○切○切○送○好○音○世○緣○無○所○慕○倍○自
靜○塵○心○

又

失○意○不○下○淚○有○懷○獨○放○歌○林○泉○狎○禽○鳥○故○舊○鮮○所
過○離○索○三○四○載○壯○志○豈○蹉○跎○盜○賊○無○時○已○羽○檄○亂
關○河○風○濤○悲○晚○世○傷○心○正○苦○多○杖○策○悲○不○遇○沉○憂
奈○若○何○

又

衡○門○長○自○閉○畏○人○終○莫○開○清○妙○觀○至○理○逸○隱○一○酒
杯○逢○時○匪○所○願○非○與○世○相○猜○浚○谷○好○結○茅○時○上○最
高○臺○寶○我○潔○冽○志○蕭○條○慎○莫○哀○寤○寐○思○古○人○私○心
自○徘○徊○富○貴○說○朝○市○十○年○心○已○灰○嗟○彼○歲○月○促○駒

逝難以回

山中

春風滿深山。淡淡吹林麓。流水靜吾心。千丈看飛瀑。淵宵遠山顛。絕頂一茅屋。野艸生離離。茂林多脩竹。車馬聲無聞。伊人在空谷。晴雲繞亂峯。曠然悅心目。綿綿嵐烟異。清光實可沐。日暮山之幽。松栢靜而肅。吾意慕古人。忘情學艸木。

對鳥

日淡清秋夢。踈風吹亭樹。雛鳥初辭巢。飛來試新羽。羣舉集其枝。歡啼亂相呼。愛子知母慈。唧蟲各與哺。長齋攤詩書。翻僕勞章句。倦起走階前。喧聞聽未足。唧唧是何言。對我儼若訴。勸爾翔雲中。弗使少年慕。

毛蕃

登慈仁寺毘盧閣

乘興愜幽情。登高一以眺。置身百尺樓。始覺天地小。虬松亘長空。孤幹勢天矯。輕烟薄林端。微風生樹杪。蒼茫萬象殊。雲霞互繚繞。皚皚西山雪。鬱鬱

大行道居庸阨要地。十里設城堡。天險不可升。興
亾竟多少。迴首瞻涿鹿。易水波浩淼。燕丹復安存。
荆軻踪跡杳。窮覽生愁思。百憂爭紛擾。故鄉更邈
然。中懷彌悄悄。

丁耀亢

古意

古戍留邊功。沿城鏑壘嶂。秦人謀已竭。漢策亦非
上。詔雖遣貳師。宛馬日凋喪。不及大元時。萬里空
亭障。天寒莎鷄歸。艸肥駱駝放。何用屯田謀。平沙

自曠蕩

又

往見出兵喜。今見出兵愁。久戰劒鋒盡。各爲安居
謀。衛霍既有家。何用窮荒旣。樓頭少婦泣。馬上莫
回頭。

趙湛

擬古

幽蘭秀空谷。遠邇披其馨。笑彼樵採人。不解植虛
亭。朱陽一夕遷。綠英委玄露。莫更憶舉芳。徬徨時

已暮。

又

嚴霜折高梧。層崖崩洪濤。玄鳳失所息。憔悴栖蓬蒿。蓬蒿隨長風。鳳凰饑音嗷嗷。神物貴知化。慎勿同凡毛。

又

入山履蛇虎。蹈海凌風波。將期求所歡。險艱其奈何。日暮望無極。浪高峯嵯峩。佳人渺難遇。歲月空蹉跎。歸來掃石華。林外養餘疴。契合原因時。俛仰

發浩歌。

又

赤符應西鄴。玉闕光連牛。忽思放雄視。金鳳翔漳流。凭高攬八極。英風羅九州。霸氣一夕沉。瓊樹成榛丘。逝波今如斯。浮雲自悠悠。

又

良璞埋荆山。歲月全清真。卞和疆解事。遠抱干時人。俗方競砒砒。下視若埃塵。屈申聽玄化。胡為殘其身。

尋巢壑老人殷伯巖

壯歲未聞道。常懷尋靜者。春郭隨白雲。遂到龐公社。枯藤倚寂寞。散髮衡門下。吟我白雲篇。酌我碧玉竿。笑對兩忘言。相期在大雅。

立夏日夜坐有懷瀟湘舊遊

幽人戀暮色。靜夜形神清。孤坐盼天宇。銀漢流無聲。纖月沉西林。羣星青瑩瑩。茲夕薰風來。節序改朱明。美人住湘浦。高歌間生平。漢川渺無極。悵望空含情。

晚興

役役亦何事。徒然白髮侵。歸來掃我廬。聊此栖遐心。夕雲西南至。微風吹衣襟。蔣花散清影。深簷歸暮禽。

雪中期趙香雪不至

春風吹雪花。飄灑滿空簾。獨把一卷書。浩蕩吟高天。故人住南溪。許來共栖託。悵望寒烟深。疎燈照寂寞。

瀟灑

出塵

王體健

和陶飲酒詩

環堵坐蕭然。常羨鳥爭飛。飛飛隨近遠。失羣聲斯悲。直木巢其顛。去此或無依。飲喙雖有適。日莫終旋歸。金石匪恒固。松柏亦時衰。但願杯中物。斟酌莫相違。

又

此心誠已靜。羣動不爲喧。動靜匪常然。而我性實偏。水流無去住。雲歸只在山。含情嬉深林。獨步自

逕還。濁醪慰遲暮。何事復多言。

又

人生不解飲。醉鄉邈難至。醉自爲一鄉。何不日日醉。長歌豁予襟。豈復論週次。黃虞頃刻來。忘物始爲貴。寄語勞役者。此中有深味。

贈申臯盟

出門無與適。四顧空踟躕。周道變羊腸。驅車返故廬。故廬杳深林。聊以讀我書。涼風乘秋至。白露下庭除。攬衣起徘徊。桐陰影漸疎。禦冬謀旨蓄。過此

復何如。里老四五人。共坐鬪。擣搗把臂向之笑。且欲等黃虞。

詠史

秦地滿八荒。象桂從此始。如漢氏委尉佗。容之稱天子。彼既受藩封。賈歸文則喜。乃知盛衰端。廣狹非其理。烽火達甘泉。兵凶懸尺咫。期門可待戰。百里堅營壘。自古薄伐患。所憂恒北鄙。周人得中策。來代已鑿此。馬邑伏禍機。師行三十祀。蚩尤長竟天。宇内生荆杞。兩雄不一屈。殺人如螻蟻。地勢古常

然。豈惟趙信使。順逆瞻天運。循環每相倚。何國無變亂。邊備安敢弛。

曾 畹

過吳門

念楊維斗錢吉士朱雲子衛神清葉聖野諸子一時消歇

洞庭多橘柚。華實發高枝。歲暮隕嚴霜。芳菲有餘思。方舟泝閭闔。悠悠我心悲。仰觀星漢流。匹練如綆縻。所思棄中野。夕陽沒荒陂。解劔要離塚。臨風涕泗垂。

小埠訪張元明

卷二
眷言訪幽人。攬衣總轡出。平原無秋聲。葭蒲鳴蟋蟀。城西十五里。蹊田間棗栗。村村不相接。徑徑若相失。鷄犬四面聞。烟火踈且密。中有百歲翁。散髮恣幽逸。豹隱十五載。鳳棲飽梧寔。清池蕩我胸。白石臨我膝。入門脩竹陰。魚鳥歡相匹。飲酒一百杯。吟誦詩滿室。我來發秦箏。君應和齊瑟。

曾傳燦

秋風

秋風獨夜驚。寒氣亦何早。萬山發衆響。林木歛如

掃。獨立蕭以踈。忽忽榮懷抱。暗月起寒扇。輕霜中衰艸。身在百慮中。秋心一夜老。人生太多情。亦足傷壽考。悠悠天地間。不如久視好。

田家卽事

田家每自適。出入俱忘形。荷鋤不知苦。總以求所生。我昔勤耕種。碌碌竟無成。紛然萬慮多。因之廢經營。偶來桃溪上。秋色滿柴荆。牛羊薄暮歸。鷄犬相迎鳴。稚子盥濯畢。拱手道姓名。雖然少禮節。中心亦至誠。徘徊山景合。緩步籬間行。寒塘靜霜月。

遠樹爲之明。一時忘物我。長嘯起松聲。

鯉奮江

泊舟澄潭下。水落清自出。硤古迴層陰。虛炤淡寒日。孤村四五家。高樹氣蕭瑟。人靜鳥無言。但見山嶺翠。游魚心不驚。空濤隱溜滴。依光泠泠來。不畏網罟密。偶動惻隱懷。投汝以穀實。大者遽來吞。小者還相失。汝本遊戲情。饑來卽倉卒。倘非愛自然。豈不罹智術。物小亦生成。仁者良足恤。

雨後歷所治田園

惰氣足致厲。駕言勤東畝。不識老農性。常因失土宜。我旣不力作。艱難課奴兒。春欲先耕稼。積雨沒川坻。禾苗長且壞。渚田破深畦。未歷農家苦。安知憂天時。少年事意氣。恥爲衣食資。所用失其道。因之多餒饑。俯視川原間。艸木何離離。水長猶可涉。雲深不可思。萬物各有故。吾生無足悲。

將立夏戒僕子亟治所田

役衆衆難恃。勤懇因已力。吾家號素封。不復知稼穡。稽習慣成自然。皆窳亦云極。安坐出謀慮。紛紜計

已忒因以下猷畝。聊用抒悃悞。諸僕蠢且頑。所司無常則。勤怠或不齊。于此明黜陟。春氣日漸徂。衆峰故多色。豈敢自服豫。徒以煩申飭。懷安古所鄙。况在衣與食。

卽事六松艸堂

暮春日色佳。新苗氣漸舒。農夫始開顏。相與勤耕鋤。高因作水塍。低田潑新畬。高低雖有別。用力無密疎。挈榼餉農夫。食者不敢餘。歸來顏色喜。我心方自如。

田家量雨較晴歷歷如覩

趙瑾

擬古

我慕鄭子真。抱道耕深谷。天子不得臣。身與道俱淑。名雖震京師。跡自親麋鹿。高風徧四海。至今有餘馥。咄彼塵囂事。擾擾多倚伏。罕失在寡求。知足無顛覆。白龍不化魚。漁安中其目。游子歸去來。山中友松菊。

李園謀楚嗣禍傾春申君朱英徒進說悲哉身首
 分馮諼營三窟市義一何勤薛人攜老幼塞道迎
 田文片言殊禍福用舍唯所聞玳簪復珠履豪舉
 空紛紜又又又又又又又又又又又又又又又
 陳蕃誠虛已徐穉亦名賢當初一榻事至今千古
 傳浩歌此風渺有志何由宣魚目笑明月真士盡
 歸田何當駕飛螭高馳上玄天

又

漢業淪魏晉風塵日月昏動言唐虞禪誰云帝王
 尊維時高明人命輕如鷄豚阮籍沉醉鄉孫登隱
 蘇門其餘多僂辱萬古愴心魂

閒居詩

鸞兮長鍛翮龍也每蟠泥貧者士之常胡爲重
 凄端居窮曠旭悄悅游天倪浩歌紫芝曲行吟獨
 杖藜葦花隱鷓鴣菰葉動鳧鷖眎此林下樂杳與
 市朝睽李斯終赤族薰卓竟燃臍遐哉赤松子年
 與南山齊閒中足妙理何爲戀金閨賦茲聊招隱

微茫日墜西

讀之使人
名心盡冷

蔣

贈張鶴民孝子

張○仲○素○孝○友○高○堂○娛○白○首○當○年○二○豎○侵○醫○和○望○欲
走○夜○寒○月○白○時○焚○香○叩○星○斗○霜○刃○生○風○聲○碧○痕○漬
兩○肘○血○灑○天○地○驚○肉○飛○雷○雨○吼○藥○爐○吹○火○紅○鬼○神
護○前○後○真○宰○訴○九○天○赤○章○滿○蝌○蚪○霍○然○父○母○身○從
此○介○眉○壽○勿○謂○鷄○黍○貧○雕○胡○作○脯○滌○勿○謂○蓬○室○卑

鳴○琴○侑○旨○酒○白○華○詠○絳○趺○咨○嗟○良○獨○久○南○雲○溯○歸
風○不○若○長○相○守○我○作○孝○子○歌○日○月○同○不○朽

劉雲

與羽士話丹術

冰○心○世○中○冷○何○處○有○炎○熱○馬○啖○栢○葉○肥○君○餐○闔○頂
雪○玄○牝○神○出○入○各○自○保○丹○穴○汁○金○氣○上○浮○天○全○想
因○絕○如○此○饑○寒○暑○始○得○肺○腑○潔○靜○音○皇○自○天○揮○絃
理○和○悅○余○寶○或○不○同○無○私○豈○相○別○無○私○無○內○傷○岐
路○均○一○轍

未四語非十年學道不能

聖陳朝相。寶苑不同。無味豈昧。無味無味。因感懷古意。曷欲掛朝朝。驚精音皇。自天。非。

策馬晨出門。有路險不平。車驅一不戒。抵觸倏然。
傾前車去未遠。後車已相仍。感此易心人。因之中。
懷驚百年經過半。鼎鼎未織成。世多縛故智。余未。
濯塵纓。故智人身患塵纓。天所刑。相去復幾許。前。
路行將冥。念彼顛踏人。塊然獨撫膺。

又言。自。幸。精。絲。超。容。身。見。海。入。南。雲。馬。前。

世希明月珠。光可照幽屋。胎自重溟淵。智愚紛碌。
碌。幸曾遇漁父。指我驪龍澳。舉手若可探。風濤浩。
相續愧無依。飛勇空有離。朱目時見海濱兒。持璣。
如米粟。炫鬻豈不羞。爛然乃盈掬。我志雖不遷。慷。
慨勞衷曲。
有人不識日。或指如盆圓。當宵聞叩鐘。謂日鳴虞。
淵。所悟匪不奇。乃去萬與千。離婁瞋微睇。抵面與。
墻沿。生質任爲美。甘心閉幽玄。陰晴不復知。坑塹。

還相愆昏明雖有異同此遭顛連助固不在人福
亦不在天有慧不自濟空爲識者憐
有客處蓬華披褐抱瓊瑰諦識不盈掬實乃仙都
材但恨關防踈秀氣紛紜開生質雖不減塵沙旦
夕埋歲月輾轉徂風雨從天來焉保蓬華居陳腐
不爲催脩葺苦不早無窮難與懷願君勤檢視或
可善將來勿待屋宇傾至寶同土灰

美人出物表亭亭楊素質一與同心遊終古常無
二矢志邀之來光我蓬茅地旦夕緬經營千百儀
文備玉盃泛瓊漿金爐蕪檀桂所恨被風塵虛堂
生垢膩念此亦小暇美人竟我避歲晚離思多衆
芳紛委置望望難苟偕安得狗彘計誓掃濁穢居
倘得聯襟袂

桃花流水
別有天地

朱鶴齡

感遇詩

熊○豸○不○自○啖○臬○獍○不○自○戕○人○乃○異○于○斯○性○命○安○得○
長○名○儒○發○大○冢○陰○符○蓄○不○祥○古○聖○逞○慧○巧○逐○開○萬○
世○殃○傷○物○無○獨○利○至○愚○必○爭○強○干○戈○終○不○已○勸○君○
思○後○亾○

徐 晟

擬古

種○樹○不○種○柳○結○友○不○結○名○結○名○死○則○易○種○柳○冬○不○
青○不○見○春○申○君○華○堂○列○傾○城○秦○箏○間○趙○瑟○朱○絲○和○
鳴○琴○十○指○千○萬○彈○誰○能○當○日○成○楊○桴○撫○靈○鼓○灑○掃○
清○堦○庭○一○朝○霜○霰○至○長○宵○雙○涕○零○

胡貞開

讀史

六○王○拒○嬴○氏○血○戰○幾○百○年○秦○常○開○關○出○諸○侯○不○敢○
前○當○時○山○東○客○日○夜○謀○其○權○知○困○而○勇○紉○搯○腕○呼○
蒼○天○乃○有○駟○獍○兒○奇○貨○居○便○媚○呂○政○已○襲○秦○孝○繆○
俱○徒○然○豈○但○社○稷○移○抑○亦○骨○肉○遷○寄○語○東○諸○侯○弗○
煩○折○一○弦○

陳 愷

夏日

乍見燕掠槐。旋聒蜩沸柳。兩丸駛轉轂。不堪幾回
首。人生等輕塵。聚散豈能久。所以達化人。逃禪多
在酒。玉蕤浮青瓜。不數如船藕。時事難具陳。悲歌
載拊缶。

許納陛

秋村卽事

刈豆繞秋畦。採菱盪小鱸。東作而西成。壟上頻搗
鼓。野鳥破烟來。輕苗受風舞。坡頭遙見人。兒童簇

網罟。臨淵遂舉魚。沾得下村醪。聞鷄愧祖生。牧牛
誰五殺。溪花明復隱。獨行自踽踽。

謝起秀

春寒怨

東風吹凍盡。百艸盼葱青。司寒厲餘威。大隼何屏
營。羔韭祭已久。土膏澁未萌。重違百艸意。慘澹失
光榮。河魚不上水。倉庚方養聲。良辰等零落。蒼昊
虧資生。寄言慰百艸。中陸團陽精。但存甲拆性。枯
苑斯須更。

侯方域

詠懷詩

鳳凰自天來。三顧頗迴翔。羽儀肅威潔。一鳴清且芳。碧梧結秋實。晚啄亦何妨。千仞飛空虛。胡為籠與房。岐周有聖人。乃始下朝陽。若非感玄德。豈棲枳棘傍。

詠史

漢家衛子夫。乃是平陽姝。朝侍公主前。跪進蟬鬢。鬢粧罷賜蛾黃。起謝幸自娛。一旦武皇來。置酒邸

第區。清歌奏者衆。窈窕與之俱。醉後天耳熱。忽聽子夫殊。千金召入宮。翟榆龍文紆。簪花上林苑。攬鏡昆明湖。璇宮詠睢鳩。前星誕鳳雛。帝為救天下。大享三日醑。平陽是日賀。入向椒塗趨。再拜稱皇。后垂手。但一扶。

楊 瑀

擬古

微蟲厲秋響。百艸依寒暉。天地有新故。豈獨人心。違未敢怨游子。行行當自歸。清霜溼征鞍。涼風吹

羅幃兩地。淒以鬱行。邁同空閨。入夢非我。思知君神。竟飛千山。莽迢遞一燈青。霏微所憂。君未棄愁顏。逐時摧。

許汝都

放鷹 有引

已丑初夏有鷹逐鵲於梧為兒童所獲飯之數日英英尚有獵心焉時若上人演戒於地藏寺提遶受戒而放之因作是詩具有不化眼翅爪助之崇怒行羽族間毛血從風

墜縱橫恣擊搏。弋人慕其銳。羅致臂鞬上。晝夜弗使寐。絛鈴感感加。饑飽勿能遂。制物制於物。遶復洵可畏。饕餮者於菟。究充駁。猊胃鷓鷄亦貪饒。罔有殄同類。汝備貪瞋癡。解脫誠非易。携之登戒壇。聽法殷勤記。縱翼返茂林。懺洗生平穢。兼語堊中儔。相教歛乃喙。衆生如我生。超轉羽毛振。魏方炳。

荆卿亾秦贊

六王狼虎秦。匹夫小兒覩。稜稜暴主威。上殿使環

柱身○亾○易水濱○氣震秦廷上○後事付高君○置鈴心
亦壯○祖龍實惴惴○東巡立威德○乃有報韓人○沙中
倣俠跡○誰令天子尊○長受匹夫擊○自此竟膽墮○山
鬼返何璧○非丹燕且亾○有卿難爲力○至首亾秦功
陳項爭不得

爲荆卿吐氣足
令含笑九原

劉世燧

田父吟

種樹思我蔭○種田思我食○皇天本仁厚○如何頻太

息○太息伊維何○李悝盡地力○因之秦人起○阡陌無
半仞○縱橫山谷間○法象誰能識○飛輓關河冷○艸木
亦惻惻○古者土爲寶○斯言不我實○所喜漢武帝○輪
臺詔堪憶

張一鵠

林處士

謫仙飲旣醉○不受天子呼○寂寂孤山下○白雲聊自
娛○醒醉無異趣○出處非殊塗○梅開還復謝○鶴放仍
與俱○人生各有志○慎勿爲智奴○徜徉天地間○祇在

適我迂

智奴一語驚人

李嘉胤

蕩子吟

漁陽古戰地。俠遊輕要津。傾貲贊鞍劍。跳跟東出秦。睥睨元戎旗。捷取凌飛塵。立功兩河上。息馬江南春。富貴不思歸。悲風起青蘋。年年閨中婦。忍寒俟良人。

萬壽祺

夏日催泉田莊詩

始憂郭門遙。今在窮巷好。墟里昔崩落。我來乃誅艸。門前流水陰。屋後高木杪。舊穀亦已稀。新麥乘候早。日側山影黃。有酒共傾倒。登床讀我書。涼風入懷抱。墻頭海榴花。風中紅裊裊。

邢昉

古興

曉日驅羸馬。寒輝已載途。出門望天地。白刃充交衢。禹鼎論泗水。神姦莫能圖。遂使董卓輩。攘攘操

天樞一夫蹈津要。四方肝皆脯。自非膏出臍。莫識
豺與豕。

又

漢道昔再盛。投戈息羣姦。矯矯梁夫子。浩歌乃出
關。舉目覽四海。慷慨涕潺湲。我方遭兵火。安能辭
險艱。常恐白日速。不覩大運還。永隨霜與霰。泯滅
蓬蒿間。

顧豹文

擊劔行

少年學擊劔。拂拭蒼龍精。秋高夜長嘯。照人心膽
明。羽書下郡國。天子方徵兵。氣豪不復語。長笑辭
父兄。慷慨赴奇功。耳後風雷生。獨褰上將旗。暗奪
涼州城。事成讓來者。蕭然謝公卿。威鳳失勢去。鴟
梟相和鳴。白頭老茅簷。兩目光崢嶸。見客重然諾。
中酒波瀾驚。斜日狎故交。過從性命輕。悲風西南
來。揮手黃雲生。

沈九如

鄒平道中是日母七十

人生幾七十。况復在北堂。慚愧子遠游。長征隨雁行。婦能頌椒花。不如兒在旁。正恐慈母心。猶作倚閭望。

苦熱行

投足遠俗情。木陰自依依。東搖則從東。西搖則從西。何事孫公和。編艸爲裳衣。

陳重光

荷葉何田田

荷葉何田田。拍浮滄池中。逸目養榮藻。集露流青

空。水英紛廻瀾。游鱗澤鴻浴。下有併根藕。上有靚粧紅。舞袖颺翠柯。幽芬抗塵容。何必招涼曲。取次來涼風。

顧龍文

采葛篇

采葛北山陲。萋萋蔓空谷。締綌各有材。取足供杼柚。素采挹霜華。荃文展冰幅。雖與錦繡殊。理不異紈縠。本期獻君王。一朝解蒸漚。豈伊抱中孚。而致貝錦辱。論譎宜有媒。訛訛亦有族。初懷苟無然。積

毀豈攸伏。慎當念古人。無數以爲服。

魏裔介

詠史詩

三皇渺難紀。五帝尚可考。畫卦書契興。製曆歲時
皞。衣裳變皮。儷舟車尚完好。琴瑟復燦陳。干戈乃
顛倒。阪泉肇義師。軒轅位天造。豈獨湯與武。張皇
事。誅討貨幣尤。首禍熙攘何。艸艸遂使萬世氓。爭
奪致伐天。甘衣而美食。寧不各自保。

銅雀妓

阿瞞負雄才。生平實多慝。峩峩漳水濱。華屋充羅
縠。賣履與分香。遙望西陵哭。何如燕昭王。金臺爲
士築。

又

總帳圍雕欄。美人顏如玉。諸侯多俘囚。猶苦不知
足。白日速陰風。管絃尚調曲。不見漢天子。一妻遭
囚辱。

夏日感懷

登高望四野。四野何蒼茫。玄雲倏翕艷。炎蒸變清

涼○甘○澤○沛○九○土○百○物○以○時○昌○大○哉○造○化○功○孰○可○與○
衡○量○願○以○頌○君○子○為○龍○復○為○光○

又

好○鳥○在○樊○籠○不○能○翔○與○翔○哲○士○沉○下○寮○馬○能○遂○賡○
颺○仕○路○多○高○足○援○手○藉○金○張○歲○星○照○金○馬○執○戟○甘○
為○郎○叔○夜○遇○非○時○多○才○反○致○殃○至○人○有○愚○色○盛○德○
貴○深○藏○卓○哉○大○易○訓○知○柔○亦○知○剛○

又

瞻○彼○庭○中○樹○燁○燁○有○芳○華○秋○霜○未○及○濡○零○落○頓○堪○

嗟○物○華○誠○有○時○吾○身○亦○有○涯○藻○身○嚴○夙○夜○比○德○耀○
晨○葩○慙○慙○君○子○願○徒○聞○咏○蒹○葭○

又

晏○安○乃○醜○毒○聲○色○亦○塵○灰○試○聽○遼○東○鶴○纍○纍○一○何○
哀○拔○宅○空○遐○慕○人○事○遞○相○催○秦○皇○與○漢○武○古○云○非○
僊○才○隨○運○謀○所○適○對○月○且○啣○杯○

讀李太白詩

三○謝○與○鮑○庾○江○左○稱○獨○步○太○白○更○絕○塵○汗○血○如○飛○
兔○擲○筆○振○金○石○有○文○懸○瀑○布○萬○象○羅○胸○中○百○代○生○

海濱集 卷二
指顧是氣日浩然不祇爲章句沉香亭畔詞諷諫
有微趣奴視高將軍才人詎能慕羽翮落九天掛
席逐烟霧留滯東魯雲蹭蹬采石路我思汾陽王
再衍晉陽祚云誰識此人青蓮慧眼故無知功未
酬夜郎竟遠戍璘也實蠢愚偶而被籠笄龍章與
鳳姿豈若爭食鶩古今稱謫仙斯言良不誤黃金
如可成須並子美鑄

讀杜子美詩

古作多蔚跂茲編實云聖盥手展縹帙肅然起恭
敬世人誦公詩擷芳資游泳我誦見公心楷模性
情正救瑄雖云非其意實孤勁一躡不復收驂騮
終遠屏有語不忘君愴怛忠愛盛飄泊蠶叢間櫛
樛長鏡柄路阻豺虎多身傍干戈橫燦燦浣花詞
磊磊夔州詠百年歌獨苦斯語泪如迸放舟夷陵
後潦倒春華競天困萬古胸抒發鴻濛性陶冶不
可窮世秉詞伯政讀之浹數旬高齋風雨併旣哭
復還歌枕藉以爲命斯人竟已矣怒焉心如炳

朝起獨坐

病痊久閉門。坐息得其處。濛濛太古涵。雲物自來去。雙樹植庭陰。一鳥向人語。我心澹無營。冥然安所助。

夜醒

春夜宿齋中。睡醒覺夜永。呼童然膏炷。四壁有餘炳。長安百萬家。悄如太行嶺。犬吠時復聞。積雪起空冷。耳目俱寂然。中懷獨耿耿。乃知喧闐地。未嘗無真境。不必聞晨鐘。遽然有深省。

和白樂天閒坐看書

朝罷卽掩關。中庭啖秋果。蕭散百餘步。復向齋中坐。坐久展書讀。炯炯見福禍。名以干進亾。身因求利墮。何況戀妖姬。自甘縛韁鎖。亦有耽麴蘖。翠羽包焦火。人生染此毒。動靜無一可。所以學道人。曠蕩觀真我。

戒貪進

仲秋雷收聲。孟冬地藏熱。造物有息消。運行故不竭。區區艸與木。順時以歷閱。惠風方敷榮。嚴冬迺隕折。人生快意時。尤貴知所節。奈何負乘子。遂意

多饗養富貴能幾何。變幻隨風滅。茂先空博物。不
畏中台坼。士衡將三世。河橋一朝巖。蔚宗與宣明。
流連復狼藉。斯輩皆名流。無計挽蹉跌。何況吮舐
者。紛紛不足說。達人觀其會。寶身以爲哲。長嘯歸
空山。永與世俗別。

彥遠胡子浙之高士也。隱于河渚。偶以求友

至燕。余讀其感懷詩。渾脫澹宕。不似魏晉
以後人語。嘆賞不置。然彥遠不欲數數風
塵中。於其歸也。作此贈之。

東南有一士。恥作老書蠅。北至無終國。西過首陽
岑。趺足豈云勞。曠覽一何深。遺我一卷詩。佶聳多
遐音。展讀未及竟。風雨掩孤鐺。昔聞無功子。結廬
汾之陰。有友仲長氏。相對但成瘖。君今栖河渚。千
載諒同心。冥然觀玄化。不敢問浮沉。况我茅堂下。
名酒尚可斟。忽復感時事。高懷失古今。飛鴻啼錯
落。廣廈誰能任。置之勿復道。歸卧聽春禽。

贈季天中掌科

僑伶遺佳言。李郭復同舟。想像斯人者。其意竟何

求○季○子○起○東○南○嶽○嶽○延○陵○後○門○對○廣○陵○濤○胷○蟠○金○
焦○秀○有○疏○策○治○安○有○文○懸○蒼○籀○顧○我○每○怡○顏○雄○譚○
四○座○閒○盤○礴○詩○中○畫○相○羊○屋○外○山○余○本○澹○宕○人○天○
涯○有○知○已○捫○虱○對○髯○奴○圯○橋○納○墮○履○蹉○跎○功○未○成○
江○湖○空○復○情○况○值○昏○墊○歲○腴○田○曠○不○耕○昨○上○文○石○
陛○流○涕○繪○鄭○圖○旦○夕○恩○綸○下○流○亾○尚○可○呼○懷○君○多○
高○義○矢○願○共○陳○謨○

送胡世其歸贊皇

子○爲○大○賢○後○郊○外○有○名○園○賜○書○滿○鄴○架○十○載○閉○柴○

門○披○褐○來○都○下○相○見○多○嘉○言○言○亦○何○所○道○但○云○山○
中○好○白○雲○窳○庭○除○花○落○常○不○掃○聞○之○怡○余○顏○忽○復○
傷○懷○抱○歲○寒○凋○萬○物○今○已○生○春○艸○五○行○暗○鑠○人○盜○
之○而○使○槁○若○不○豁○雙○瞳○金○石○焉○能○保○子○歸○待○竹○林○
明○月○紛○浩○浩○余○將○拂○衣○去○抱○甕○以○終○老○

送田髯淵歸雲間

一○爲○燕○市○客○三○載○憶○吳○山○吳○山○不○可○見○炎○暑○氣○如○
焚○扁○舟○從○此○發○行○歌○滄○浪○天○執○手○復○叮○嚀○努○力○各○
有○年○知○已○苟○不○辱○寧○辭○耕○山○田○海○寇○紛○如○毛○艤○艫○

橫陌阡。泐江有故廬。深藏古雲烟。念之不能忘。相
 贈以佳言。北窗吟。海會。天輝。垂。如。日。寧。夜。不。
 一。為。又。東。海。三。潭。漱。吳。山。吳。山。不。在。其。處。昔。年。歲。收。
 日月既云邁。山川亦不常。繁華王侯里。倏忽如朝
 霜。耿耿烈士心。憂來每無方。豈不念室家。遊子屢
 春陽。餞送集良朋。相勸累十觴。甫往已思來。豁達
 見肝腸。所願誠不違。敢云道路長。安得凌風翼。翩
 翩共翱翔。

出燕京右安門自祖氏園至萬泉寺廢城望

艸橋浦見丘塚纍纍

城中屋炎炎。城外塚件件。炎炎土上人。件件人在
 土。百年瞬息耳。來去誰為主。是人未土時。有氣悍
 如虎。百欲養一身。惟恐致此窳。胡為忽棄捐。甘與
 枯艸伍。但見紙錢飛。白楊蔭石戶。狐兔為其隣。螻
 蟻為其蠹。策馬過問之。有言終不吐。去去勿復道。
 登高望遙浦。傳是耶律城。今惟餘殘堵。陵闕盡灰
 墮。瑣瑣安足數。易水有新釀。飲之消愁苦。及今不
 為樂。去日安可補。咫尺野雲來。杏花雜風雨。

哀盜交。匪。斷。以。其。羅。雲。來。奇。亦。蘇。風。雨。
五行爲世樞。生尅轉相盜。以此運不窮。聖人弘大
道。區區貨賄間。爭奪遞相蹈。不知誰作俑。梟雄稱
蹠。鼻竊國公與。侯竊鈞斧鑽。膏執筆事爰。書流涕
爲悲悼。

又

雉羽綴朱纓。長弓響鳴鏑。倭刀燦若雪。袒臂掛裘
楊。跨馬出都門。直渡瀘溝水。翻身射皂鵬。飛血濺
象弭。蹠躐縱橫馳。側身若蛟螭。行人皆辟易。長跪

獻金貲。醉眼方朦朧。繫縛後車屬。弓刀不及發。狼
籍司寇獄。豈無鐵衣朋。跼蹐不敢贖。

又

重門防暴客。高垣棘如蝟。戛戛夜拆聲。守財不云
費。粉黛貯雕檐。衽服飾翠翫。謬爲衽席歡。伐取其
精氣。所盜孰云多。虺羸終不畏。俛首辭靈几。感歎
亦歔歔。新知勝古歡。百媚恣妍卉。寄語泉下人。茲
盜久爲貴。

丁酉夏雨後出都城南有作

漢江集 卷二
籃輿趨南郭。涼風吹我衣。時雖際盛夏。瀟灑無炎輝。
蜿蜒蛇田間。陌陌參差城。上陴興亾非。一感喬木尚
依依。自古皆如此。岐路何徘徊。
宿海會寺詢比丘云西山潭柘寺始末
行行過野水。古寺蠹田間。老衲三五人。扶杖立我前。
指點翠微峰。伽藍是柘潭。驅龍背山走。種桑陰古阡。
昔日姚少師。跣趺對瞿曇。靖難師徒起。橫戈入金川。
戕殺盡忠義。方黃何罪焉。置之勿復道。輟食起長嘆。

讀滑稽傳

叔敖本賢臣。忠廉無與比。治楚楚以興。闢地幾千里。
盡瘁殞厥身。咎嗟在將死。託子於優孟。羣臣良可恥。
譚笑儼衣冠。山居歌非俚。寢丘四百戶。十世奉其祀。
楚相不足爲。婦言有妙理。

又

二世縱淫荒。阿房窮塗墍。赭衣遍道塗。驪山工未寘。
元元迫湯火。鬼神亦瘁悸。乃至欲漆城。黝然光可被。
嘉哉旃侏儒。一言回狂恣。蕩蕩雖非難。陰室

未易植斯高。據要津而口。竟爲鼻。哀哉古鄙夫。胡不如優嬖。

選唐詩清覽集作

鴻濛啓元運。靈淑鍾人紀。喜起肇賡歌。風雅隆周祀。漢魏有升降。六朝多靡綺。卓哉貞觀君。世濟擅厥美。磊磊富瓊枝。寧獨杜與李。歷下重格調。竟陵采幽旨。遙遙古人心。笙竽若隔耳。大道已曠邈。澆氣顧莫止。鎮以中和音。萬物返其始。

選清詩觀始集作

人心釀世運。世運變人心。盛衰既遞轉。治亂亦相尋。羣生天地間。激蕩成謳音。鴻纖既異致。雅俗判高深。聖人闢文運。羣賢慶盍簪。篇什多古風。聲價重球琳。寧敢繼絕筆。所願正哇淫。

春日感懷詩

少伯霸越後。五湖烟水清。子房學辟穀。欲從赤松行。古之賢達人。脫屣視公卿。而我竟何事。高卧古燕京。寒威日凜冽。三月及清明。春風渡楊柳。百卉始向榮。啾啾榆枋間。鳥雀自相爭。何如空山下。萋

萋芳艸生○桃花蔽夾岸○泠泠澗水鳴○念此長太息○
流涕濡冠纓○歸與會有時○遙憶古人情○

又

種樹以為林○結茅以成屋○家有負郭田○聊足共饘○
粥○春風樹若黛○秋雨山如沐○二三老農人○戴笠牧○
黃犢○此事樂有餘○此生甘鹿鹿○虛名煎膏火○途窮○
見車覆○憂死每無方○顛毛種種禿○座右金人銘○朝○
夕事三復○錢鏗真吾師○敬慎以為轂○

又

范丹釜生塵○曲逆家落魄○張陳與蕭朱○衡纒爭強○
弱○所以朱公叔○絕交甘寂寞○人生重朋友○明信以○
為約○鬱鬱青松色○歲寒終不削○愧彼桃李花○方春○
競絢焯○余家世燕趙○由來恥浮薄○策馬古鄆城○遙○
望邯鄲郭○桓桓信陵君○仗義資大畧○好與屠沽游○
孤寒欣有託○嘆息斯人去○仁風不可作○

又

猶龍與鳧盟○我輩論文早○王孟如復生○晨夕相傾○
倒晚得巢壑子○浩歌天地老○仗劍走西秦○尋源崑○

崙道不見古時人。唯見連天艸。長鋏復歸來。黃鵠
翔蒼昊。莫効隨陽雁。飲啄謀梁稻。庶幾共夷猶。廣
羊山色好。

又

亾屨沿溪行。西至白雲觀。白雲自去來。不見古人
面。松陰羽士家。晨爨炊香飯。曲逕轉幽篁。綸巾雜
丹篆。對此嘿無言。玉液思修煉。當年長春子。萬里
走雪山。諄諄不嗜殺。沙漠霽龍顏。乃知古仙術。仍
欲濟時艱。安得戰代息。蒼岫閉松關。

○送辨若胞弟進士歸

相依如在山。相別欲千里。誰復念功名。時時憶桑
梓。旣免鄧禹笑。常恐巢父恥。幽賞心未遐。水光林
影裏。

溯洄集七言古卷之三

栢鄉魏裔介石生選評

禹航嚴曾架方貽

校訂

錢唐顧之瑜不瑕

七言古詩

長安道上行
長安道上飛塵起
夾巷麟麟車如水
朱門晝向紫陌開
金張烜赫儼成市
平津高閣高連雲
閣中趨走徒紛紛
鄴莊驛舍多茂草
賓客無復揖將軍
猗

犬當門但狂吠。熟眠華屋深不聞。吁嗟道衰士微
賤。胡爲征逐通慙慙。豪家有奴鬚眉張。願指氣使
何揚揚。呵斥朝紳等輿隸。書生屏息走倉皇。人生
不須貴金紫。但願十萬錢充囊。嗚呼吐哺握髮已
非昔。欲曳長裾誠未易。禍生懷刺終漫滅。素箠載
酒將安適。勸君且歸勿苦辛。世人結交良有因。明
月投人猶按劍。慎莫告語達官。嗔之不非
學士兄召飲齋中。同家奉常嚴蓼嶼。燕市泥滑愁出門。吾兄招我開清樽。解衣盤礴夜

稍霽。冰紈皎潔珍錯陳。雄辯交交喜不竭。簷化飄
落香氤氳。久雨淋漓多漏屋。買書無錢廉買粟。車
馬雜遝塞中衢。身嘆轅駒空蹙蹙。澹月不覩故鄉
書。終朝畏見新除日。今夕果何夕。斗酒恣盤桓。人
生難得弟與兄。况有良友如芳蘭。嚴城擊柝燭未
殘。微風吹鬢蕭蕭寒。長嘯向天地。睥睨視今古。何
妨落拓同子雲。直欲狂吟追杜甫。窮達憂樂信有
時。栖栖傍人志良苦。金張華館朝不開。掃門之客
胡爲哉。五侯薰灼亦滅沒。朱門蓬戶俱塵埃。蕭曹

伊呂何烈烈。名垂骨朽徒心哀。嗚呼千古英雄帳
已矣。惟有滄江東去捲洪濤。碣石獨立高崔嵬。高
崔嵬於我亦何有。白衣轉眼爲蒼狗。嶢嶢五岳起
懷中。不如但飲樽前酒。

贈吳晉公

吳生詞場客。作吏闔閭城。今年匹馬長安道。張燈
過我談平生。濁醪一樽對深夜。箕踞調笑多縱橫。
大言系出吳季子。側弁苦吟時自喜。春郊走馬逐
少年。垂鞭買醉倡樓裏。一從捧檄姑蘓臺。趨走公

府衝塵埃。折腰屏息伺顏色。上官顧指驅風雷。大
猾挾勢氣如虎。鋤奸無力空徘徊。吳生吳生昔也
何壯。今何頹。朱顏轉眼華髮催。賢達處困古不免。
低頭戚戚胡爲哉。子但舉我酌我姑爲子歌。時序
有代謝。人事多蹉跎。老生窮經嘆白首。貴人輦土
憂風波。官小能貧亦自樂。營營不已將如何。

歲暮行

憶昔全盛當少年。每逢改歲風日妍。追逐喧闐兩
不厭。春城燈火飛雲烟。一從婚宦白日速。驚心老

大渾茫然濟時力薄壯志廢書債索債無俸錢市
上弄珠多驟貴嬌歌艷舞張高筵寶馬蹀躞金勒
動貧家闔戶徒憂煎呼兒不須謀歲事椒觴粗具
堪留連且莫侈談天口何必論經綸手靜觀消息
君知否三十年間一回首但願歲歲長飲酒身強
無事足安眠浮雲舒卷吾何有

讀之使人躁競盡化
可謂靜者可謂達者

傅維鱗

贈魏燕魏年伯

山窈窕兮泉冷冷松濤萬樹來精靈攜嵐驅翠塵
事絕安用寂寞無用之鴻冥柳庄有人足千古隱
不買山俗不賈朝擁青編教子孫時看青畝犁頭
雨枯巖窟洞趾儘勞自多雲壑生吞吐脫稿常爲
山鬼偷吟成只畏蛟龍取遠獲崆峒傳帝之要眇
近鄙蟲魚媚物之塵土麟書旣已絕千年五十三
家耻比數地老天荒江上豪三百星回風捲毛國
書曲紀皆短氣攬衣中夜起蕭騷搜幽剔隱肺肝
見萬事萬人誰遁逃擲筆每每向天嘯庭樹生風

振夕照書罷閒心只白雲端居靜解青山笑大兒
剖竹鎮海鯤仲兒待詔金馬門諸兒雄文逼嘯虎
奚須束帛采丘園憶公擲我瑤華篇開卷珠璣燦
且繁什襲藏之秘復密恐化玉芝爲神仙之所拮
書成幸莫藏名山使人得覩生華筆

先子手不停披口不停
吟得此椽筆足以寫照

不吳偉業不曹暉終清融
永和宮詞無風六無冥
揚州明月杜陵花夾道香塵迎麗車舊宅江都飛

燕井新侯關內武安家雅步纖腰初召入鈿合金
釵定情夕豐容盛鬢固無雙蹴鞠彈碁復第一上
林花鳥寫生綃禁本鍾王點素毫楊柳風微春試
馬梧桐露冷暮吹簫君王宵旰無歡思宮門夜半
傳封事玉几金牀少寢眠陳娥衛艷誰頻侍貴妃
明慧獨承恩宜笑宜愁慰至尊本朝家法修恭儉
房帷久絕珍奇獻舊時惟進陽羨茶內人數減昭
陽膳維陽服製擅江南小閣薰爐沉水烟私買瓊
花新樣錦自修水遞進黃柑中宮謂得君王旨温

成不妬肩隨齒蚤日艱難護大家。比來歡笑同良
姊。奉使龍樓賈佩蘭。往還偶失兩官歡。雖云樊嫫
能辭令。欲得昭儀喜怒難。綠綈小字書方寸。瓊函
自署充華進。請罪長教聖主憐。含詞欲得君王愠。
君王內顧惜傾城。故劍還存敵體恩。手昭玉人蒙
詰問。自來階下拭淚痕。外家官拜金吾尉。平生遊
俠多輕利。縛客因催博進錢。當筵便殺彈箏妓。班
姬才調左姬賢。霍氏驕奢竇氏專。涕泣惟聞椒殿
詔。笑談豪奪灞陵田。有司奏削將軍俸。貴人冷落
宮車夢。永巷傳聞去玩花。景和門裏誰陪從。天顏
不憚侍人愁。后促黃門召共遊。初勸官家佯不應。
玉車早到殿西頭。兩王最小牽衣戲。長者諸書少
者弟。聞道羣臣譽定陶。獨將多病憐如意。豈有神
君語帳中。漫云王母降離宮。巫陽莫救蒼舒恨。帝
子雕殘玉筋紅。從此君王慘不樂。叢臺置酒風蕭
索。已報河南失數州。况經少子傷零落。貴妃瘦損
坐匡牀。慵髻啼眉掩洞房。荳蔻湯溫冰簟冷。荔枝
漿熱玉魚涼。病不禁秋淚沾臆。裴回自絕君王膝。

苔沒長門有夢歸。花飛寒食應相憶。玉匣珠襦啟
便房。薤歌無異葬同昌。君王欲製哀蟬賦。誅筆詞
臣有謝莊。頭白官娥暗頻蹙。庸知朝露非爲福。宮
草明年戰血腥。當時莫向西陵哭。窮泉相見痛倉
皇。還向官家問永王。幸免玉環逢喪亂。不須銅雀
怨興亡。自古豪華如轉轂。武安若在憂家族。愛子
雖添北渚愁。外家已葬驪山足。夜雨椒房陰火青。
杜鵑啼血濯龍門。漢家伏后知同恨。止少當年董
貴人。碧殿淒涼新木拱。行人尙識昭儀冢。麥飯冬

青問茂陵。斜陽蔓草埋殘隴。昭丘松檟北風哀。南
內春深擁夜來。莫奏霓裳天寶曲。景陽宮井落秋
槐。

此詠明季田貴妃遺事也
瑰麗悽惻真堪壓倒元白

捉船行

官差捉船爲載兵。大船買脫中船行。中船蘆港且
潛避。小船無知唱歌去。郡符昨下吏如虎。快槳追
風搖急櫓。村人露肘捉頭來。背似土牛耐鞭苦。苦
辭船小要何用。爭執洶洶路人擁。前頭船見不敢

行曉事篙師斂錢送船戶家家壞十千官司查點
候如年發回仍索常行費另派門攤云催船君不
見官舫鬼峩無用處打鼓插旗馬頭住

鴛湖曲

鴛鴦湖畔草粘天二月春深好放船柳葉亂飄千
尺雨桃花斜帶一枝烟烟雨迷離不知處舊堤卻
認門前樹樹上流鶯三兩聲十年此地扁舟住主
人愛客錦筵開水閣風吹笑語來畫鼓隊催桃李
伎玉簫聲出柘枝臺輕靴窄袖嬌粧束脆管繁絃

競追逐雲鬟弟子按霓裳雪面參軍舞鸚鵡酒盡
移船曲榭西滿湖燈火醉人歸朝來別奏新翻曲
更出紅粧向柳堤歡樂朝朝兼暮暮七貴三公何
足數十幅蒲帆幾尺風吹看直上長安路長安富
貴玉驄驕侍女薰香護早朝分付南湖舊花柳好
留烟月待歸橈那知轉眼浮生夢蕭蕭日影悲風
動中散彈琴竟未終山公啟事成何用東市朝衣
一旦休北邙坏土亦難留白楊尙作他人樹紅粉
知非舊日樓烽火名園竄狐兔畫閣猶存老兵坐

從前歌舞復幾時。轉盼朝市都非故。我來倚棹向湖側。人生快樂終安極。年去年來增歎息。聞笛休嗟石季倫。銜杯且效陶彭澤。君不見白浪掀天一葉色。收竿還怕轉船遲。世人無限風波苦。輸與江湖釣叟知。

楊思聖

始皇墓

祖龍東巡山鬼蹙。發徒穿壙殷山谷。木石駢盡天爲驚。血污遊魂聞晝哭。茫茫何處問神仙。魚燈不

滅照黃泉。銀海金鳧一朝閉。石馬無聲泣斷烟。當時氣勢如虓虎。六國平來誰敢侮。豈知身死阿房焚。寂寞驪山一坏土。君不見漢文陵墓亦荒涼。路人下拜每徬徨。夜來樵牧高丘話。風雨時時怨始皇。

抵一篇洛陽
年少過秦論

曹本榮

甲午十二月初四日南海子內殿聽樂恭

殘雪拂樹天宇晶。詔隨公孤內殿行。班接學士叨
寵榮。金爐春暖燃紅纓。紫鳳擅槽錦繡縈。賜絃鐵
撥續續鳴。細如霜霰洒前楹。壯如蛟龍出深泓。緩
如雷霆殷地底。急如風雨翻高城。天顏和霽侍臣
肅。一唱三嘆洋且盈。愚臣少長楚江上。白茅苦竹
遶屋生。手持黃卷坐日夕。擘晤抱葉寒蟬聲。竭來
京華官七載。絲竹未敵山水情。金錢會中身偶與。
啁嘈箏笛難爲聽。恭逢聖主御講幄。布袍挾書
登邇英。羔裘節儉忝賜服。翠織况有掉尾鯨。觀德

殿前從闕射。增祿閣下聞吹笙。今朝更做雲門奏。
夢竟彷彿遊太清。黃獨雖傳盛山雪。白鷗敢擬辭
公卿。春風四海漸洋溢。佇看蕭韶儀九成。

大雅不作久矣如
此亦何慚元音

杜芳

得張無能先生贈詩却答

世上何物最能久。千古風流亦何有。自奉笑言覺
惺惺。得贈新詩不離口。初如玉樹臨風前。恍到山
陰明月天。斗牛槎邊三四語。想應都不在人間。沃

焦之石草無葉。珊瑚爲枝。水晶節。日出團圞。八萬
頃。霏霏垂天瀉。香雪老龍髻。陡捲風雷。奔鯨潑蛟。
崑崙摧飛雲。墮雨黃鶴樓。須臾迷暝。鳳凰臺。近來
此道如脫屣。空談何李與七子。挺筆縱橫三百前。
曹劉阮謝不足比。朝將出入銅龍樓。石館應詔賦。
瀛洲蕩霞遊。霧千金賞。誰人敢題在上頭。唯願名
成功亦蚤。五岳攜我償夙好。共做靈藥灌梧桐。瓊
堦花繁寶樹紅。聞道神仙更著書。瑤函金簡揚清
虛。不然落鬼風塵吾已矣。君除天人那得如。

感賦

月明東海來天中。霜清庭樹地光橫。百川愁我吸
長鯨。芷蘭解佩頽前楹。布裘都做歌青萍。屋寒鐵
馬哽。長征虬龍古字繪離情。瑤瓊千丈隔星虹。木
公毛女餌黃精。松雲如雨碧鷄鳴。黃金臺上朔風
清。虎頭不肉朱衣輕。玉簫金管丹陽聲。學書學劍
誤。猗猗青樓薄倖翠花瓶。紅顏白髮鏡中行。浮雲
蒼狗問崑溟。桑榆東隅幾晨星。種瓜無地嘆東陵。
濁醒徒勞卜居名。窟藏深自耻鼯鼯。孤燈十載貫

中。扁。風。流。不。罪。阮。途。窮。葫。蘆。豎。鬼。笑。平。生。關。東。烽
火。達。承。明。百。夫。大。樹。心。澎。澎。短。髮。上。指。青。天。驚。螺
盃。在。手。看。高。檠。桃。花。洞。口。薜。蘿。封。南。柯。夢。破。曉。陰
晴。化。鶴。一。去。千。年。精。攜。書。萬。卷。入。青。城。豪。華。逝。水
摧。眉。稜。山。泉。簞。笠。釣。臺。輕。天。正。中。月。東。明。浩。氣。乘
長。風。淒。涼。不。盡。此。時。情。

夜渡

十年。小。雨。青。窓。裏。此。夜。黃。河。天。上。水。滿。載。月。明。秋
葉。霜。燐。燐。夜。火。疑。龍。鬼。斷。橋。破。壘。舟。如。狗。雷。吼。風

花。浪。乍。走。崩。岫。沙。寒。一。鴈。飛。虛。空。映。映。入。牛。斗。鄉
船。有。客。能。吹。竹。水。國。淒。涼。何。處。宿。茅。屋。桑。田。林。木
長。啾。啾。古。廟。落。巢。鶻。半。河。突。出。鴻。濛。影。歸。坎。噓。盈
嘆。急。景。五。色。石。頭。天。地。中。岳。衡。禹。跡。尋。神。鼎。借。書
沽。酒。漁。楓。惱。半。壁。天。鷄。海。日。蚤。聞。說。桃。源。不。再。開
白。雲。滿。地。同。誰。好。

有長吉之瑰瑋而無其
詭直與子瞻同其浩渺

嚴沅

報國寺雙松歌

燕○山○突○兀○幾○千○載○四○百○餘○年○景○物○改○惟○有○慈○仁○雙○
 老○松○霜○皮○剝○落○至○今○在○其○一○婆○娑○勢○攬○地○撐○拳○詰○
 曲○春○雲○鬢○一○株○稍○欲○干○層○霄○却○顧○徘徊○意○相○待○紛○
 旛○密○葉○生○風○濤○屹○立○虬○根○玩○真○宰○慣○看○城○市○變○烽○
 烟○幾○見○桑○田○作○滄○海○何○年○紺○殿○啟○琳○宮○石○欄○蹬○道○
 盤○虛○空○飛○花○濛○濛○日○月○靜○溜○雨○黯○黯○神○靈○通○大○都○
 月○市○番○佑○集○胡○床○翠○幕○陳○西○東○哥○柴○古○窰○周○漢○鼎○
 陸○離○法○物○羞○雷○同○似○與○雙○松○校○年○歲○必○有○真○賞○窺○
 鴻○濛○日○斜○人○散○蒼○烟○重○倒○景○上○殿○雲○瓏○葱○軒○車○冠○
 益○繆○相○嘆○肩○摩○轂○擊○勞○過○從○吁○嗟○此○松○澹○蕩○有○真○
 意○只○愁○化○作○雙○虬○龍○直○上○燕○山○絕○壑○一○往○不○得○見○
 悵○望○千○峰○與○萬○峰○

起突兀
結更奇

題贈孫北海先生退谷

西○山○冥○冥○水○蕭○蕭○谷○口○幽○人○誰○見○招○馬○蹄○蹴○踏○狹○
 邪○路○塵○飛○日○暗○咸○陽○橋○北○海○先○生○結○廬○處○山○風○歷○
 歷○檐○前○樹○自○有○圖○書○屋○裏○藏○不○勞○車○轍○門○邊○駐○晉○
 人○法○書○唐○人○畫○周○鼎○宋○磁○不○論○價○宣○和○御○印○硃○鮮○

新景陵署欵翠相射。石床架積書架平。竹光巖靄
繚縱橫。昔人已遠物亦貴。懷古悲時無限情。請看
滾滾東西南北人。奔走富貴勞終身。一官寄跡山
林興。翻似烟霞鄭子真。

送吳謹侯同館謫廣文還里長歌

擊筑且斟燕市酒。浮雲富貴吾何有。巖前碧樹吐
朱華。天上白衣幻蒼狗。風翻易水橫素波。送別聊
爲暇。豫歌松皮屈鐵老山雪。鵬翮擊浪凌溟河。轡
龍吐鳳留華省。授經博士官偏冷。夢迴輦道記鳴

珂坐聽轆轤初轉井。西風冥冥吹白沙。樽前細雨
開簷花。杜老乍簪青瑣筆。鄭虔本愛赤城霞。奪我
鳳凰池。未妨彭澤醉興闌。在笏西山翠自有哀吟
動鬼神。長將書卷留天地。不知璧水况金門。見說
移官亦幸主恩。但看卧坦邊韶腹。有日槎迴博望
源。兩斗晴樓南山。山公思昔陶淵明。未聞太
西。送光祿魏環極歸省。華髮正雲。送光祿魏環極歸省
漢庭補袞重名卿。魏相高風上苑清。封章幾上明
光奏。諫諍爭傳白馬生。聯鑣左掖穿宮樹。早朝每

和陽春句。玉河春柳著鞭時。古寺深松踏歌處。朱
榴花發翠篠濃。西山晴黛削芙蓉。小人有母宜春
酒。徵歌上客壺觴重。夫子華箋五雲落。筆墨淋漓
風雨作。卽對南山憶舊山。心思背樹懷朱閣。太行
之麓萬峰西。文杏堂前遶碧溪。秋風屋上馴烏鵲。
斜日桑間聽犬鷄。銅龍獨上陳情表。磊落文章淚
繚繞。掉頭歸去雪蒼茫。眠寢蘭帷戀昏曉。人生忠
孝情。性真一心忙。激緣君親。廁禴自澣春。流碧本
是金門補牘身。

送友三作體法俱
老惟岑參能如此

龔鼎孳

臨江縛虎行

竹槍茅戟森江國。蕭灘白日迴陰色。市兒青裙頭
布帽。爭言縛虎沙潭側。地平實異谿谷險。公然攫
人到昏黑。此物豈因氣數致。居人恒愁爪牙逼。勁
弧疾弩誰命中。紛紛貪天謂已力。撐枝欲使元惡
勸。寢皮何論一錢直。天道張弓固有時。負嶠猛虎
寧終極。卽看六字消殘賊。麒麟來遊夜戶關。飽睡

頓○豁○平○生○臆

刺舟行

廣○南○人○物○矜○奢○華○綠○珠○容○色○傾○天○家○不○知○風○俗○始
何○代○刺○船○舵○婦○偏○愁○嗟○終○朝○赤○脚○波○心○立○背○上○兒
從○橐○中○入○白○浪○層○崖○片○槳○飛○烹○魚○裹○飯○隨○時○給○惡
踏○嬌○啼○恒○在○頸○一○身○男○女○劬○勞○並○地○昧○暄○涼○耐○袂
衣○天○教○螺○蚌○生○枯○井○平○生○不○識○粉○脂○痕○夜○夜○呼○兒
哺○菜○根○爲○問○墜○樓○金○谷○裏○何○似○辛○苦○長○江○村

學仙引

少○年○寡○信○好○萬○事○隨○徵○逐○常○笑○學○仙○人○服○藥○死○窮
谷○患○難○損○精○意○心○事○恣○潦○倒○我○年○方○及○壯○自○覺○形
容○日○衰○老○側○聞○廣○成○子○能○爲○黃○金○丹○方○瞳○碧○玉○杖
逍○遙○生○羽○翰○我○欲○從○入○崑○崙○巔○掃○花○晒○藥○浮○雲○邊
縱○使○神○仙○不○可○得○也○應○高○枕○送○殘○年

將訪猶龍於晉臬途中作歌

昔○歲○來○尋○燕○市○酒○醉○向○君○堂○十○有○九○有○時○雪○暗○泥
深○晝○掩○扉○僕○子○持○書○瓶○在○肘○今○來○君○忽○去○彤○庭○舊
遊○落○落○如○晨○星○豈○乏○綺○席○金○張○讌○無○情○絲○竹○難○爲

聽病臥禪房十餘日。騎驢直過行山脊。草屨晴穿
洞壑雲朝舖。細嚼山田石。兩旁積鐵峯。迴互傳是
淮陰拔趙處。過眼雌雄今有無。辭鴉落日啼巖樹。
甲申之春寇焰張。土門出入失羊腸。試看險扼今
如此。一夫詎止千人當。人生落絮風前舞。勝敗茫
茫自今古。野客傷心夜不眠。窺人月向柴門吐。

直抒胸臆中有鱗
甲者不必讀此

毛達

洞房曲

畫堂婉轉調絲肉。金屋焜煌紫燄燭。暖色烘開翡翠
屏。春風拂軟芙蓉褥。綺窓秀發宜男花。班管橫
吹新鳳曲。鏡裏光輝月一輪。簾中照耀珠千斛。流
蘇錦帳擁佳人。團扇冰紋搖細縠。歡色雙合瑪瑙
紅。香醪滿引鴨頭綠。晝閒寶鼎霧霏霏。夜靜綵毬
蘭馥馥。蝴蝶懶將舊夢尋。鴛鴦試看新波浴。枕邊
方喜夜如年。燈下渾憐人似玉。款語今宵私結盟。
吾生不向孤幃宿。

裁衣曲

欲寄征衣須早裁。莫使寒到衣不來。衣不來時寒更苦。郎着敝衣人欺侮。欺侮將奈何。敝衣倩人補。邊城有婦艷明妃。蛾眉螭首身願願。願願慣結相思縷。爲人補征衣。使郎補衣往來熟。恐到封侯亦忘歸。又。剪征衣。親手作。君身長短何須度。肥瘦定然不如昨。新衣爲君裁。舊淚爲君落。還將銅斗細熨灼。莫使衣上似猩紅。君見淚痕不肯着。

當鑪曲

雙眸嬌注店前柳。探瓶時復露纖手。玉顏細逐柳花香。恍惚醉人醲于酒。倚鑪無語自含羞。多情勉強在持籌。莫以妾身增酒價。擲下金錢不肯收。少年何必頻回顧。妾亦能吟夫善賦。明年賣字向金門。妾家豈因酒錢富。此時看妾在何處。

採蓮曲

採蓮葉。蕩桂楫。船頭白蘋開。掉尾紅荇結。葉露光如珠。把弄圓還缺。採得蓮葉綠復黃。將欲爲郎製衣裳。衣成着向五湖去。與郎同作雙鴛鴦。採蓮葉。

香不歇滿船歸載香月。

捕魚詞

結網莫太密。密網密魚蝦泣。舉網莫太勤。網勤無隱鱗。遺得隱鱗尙足取。魚蝦泣盡難再舉。何如青海一絲風。射蛟釣鰲手不空。執竿醉臥酒缸中。誰問鯤鰭及鱸鱠。

牧牛詞

隴頭新雨生嫩草。清晨約伴放牛好。牧童晝懶舒雙拳。和衣籍草靠牛眠。醒來忽想爲人牧。夜間須求芻一束。今晚飼得牛不饑。明日耕田似鳥飛。

又

短蕪淺水日方晴。牽牛問喘且緩行。居家八口食爾力。豈有疾苦吾不惜。常怕秋前牛力勞。更愁秋後牛骨高。手扯嫩草口邊喂。莫使鸚鵡啄牛背。

又

勸牛努力食細草。橫笛數聲歸莫蚤。旣受主人芻牧錢。寧辭蚤起夜忘眠。主人有田數十畝。爾牛亦復難辭苦。願爾飽餐耕田多。我亦何妨扣角歌。

新寡吟

澹月寒風冷繡幃。樓臺淚落孤鴈悲。佳人願與黃
泉誓。他年相見欲無媿。且使後來吟白頭。何似當
初賦栢舟。只今妾在牆中住。不敢牆邊種梧樹。唯
恐秋風入夜深。樹上吹作絲桐音。

陌上桑

桃李葉暗桑林春。桑林深處不見人。儂來陌上非
得已。爲怕家中蠶餓死。今年結伴去採桑。媳隨阿
婆女。隨娘莫似去年忘。艷冶置筐獨立桑林下。惹
得車馬入深林。乃使貴人懷黃金。

銅雀妓

登臺悵望聲嗚咽。漳河流水淚中血。君王肯作漢
忠良。賤妾應爲魏貞節。教人着殘歌舞衣。白雲陵
樹共依稀。醢脯備陳輦不歸。日落臺上烏飛啼。幾
番回首下臺時。

隴頭水

隴頭流水聲嗚咽。似哭秦天悲漢月。隴山之下古
戰場。此水曾洗金鎗血。至今血去水猶腥。夜夜仍

作○鳴○咽○聲○可○憐○山○川○舊○愁○慘○怕○見○時○人○新○弄○兵○願○
傾○天○河○一○河○水○萬○古○常○將○甲○兵○洗○秋○風○鼓○角○夜○不○
悲○水○中○鳴○咽○聲○應○已○

香回俠客行

紫○鬚○若○戟○雙○瞳○電○身○長○七○尺○月○如○面○袖○中○購○得○趙○
家○七○腰○間○橫○插○鵬○翎○箭○鞍○頭○寶○劍○七○星○文○雪○馬○鐵○
蹄○黃○雲○分○揚○鞭○直○上○信○陵○墳○欲○覓○信○陵○一○揮○手○君○
家○仇○讎○誰○在○否○

少年行

堤○上○柳○花○黃○金○香○滿○眼○少○年○如○艷○粧○塗○朱○傅○粉○圖○
顏○色○錦○衣○新○染○柳○花○黃○紫○騮○一○鞭○輕○烟○裏○五○綵○照○
耀○明○日○光○自○言○能○得○春○風○愛○時○來○正○好○誇○身○強○子○
雲○草○玄○徒○多○事○相○如○獻○賦○亦○顛○狂○筆○墨○太○精○鬼○神○
厭○憑○據○自○古○豈○文○章○君○不○見○王○楊○盧○駱○福○命○薄○管○
輅○自○知○貌○不○揚○又○不○見○昔○人○欲○燒○頭○上○巾○免○使○老○
年○哭○秋○霜○唯○羨○潘○安○似○婦○人○擲○果○攀○車○滿○道○傍○丈○
夫○昂○藏○不○合○時○人○眼○何○必○身○長○九○尺○鬚○眉○蒼○不○如○
奇○俊○王○家○郎○聲○名○猶○得○傳○四○方○

擣衣篇

滿城一夜西風入。四邊吹動寒砧急。隔牆雙杵落
衣忙。長短聲聲敲露濕。夜深庭院月正明。坐送幽
愁百思及。誰家憂愁愁更多。西鄰少婦顰雙蛾。憶
年十五從之子。纔着春光上薄羅。良人點戍西南
郡。忍別新婚遂荷戈。舊年從王開夜郎。今年又聞
下牂牁。妾衣布襦君衣鐵。同霑白露冷銀河。靜聽
西鄰怨未已。東家淒切悲聲起。爲寒織繒纒爲華
織。紈綺年年機杼不上身。但餘百結秋風裏。惟得

舊衣軟似綿。空房寂寞寒如水。

丈田謠

丈田莫丈山。山多石田丈亦閒。丈田莫丈水。水之
深處田無底。三山六水一分田。天地定數自古傳。
朝丈暮丈徒枉然。安得天下忽然無山亦無水。一
日丈出膏腴沃野千萬里。丈田之官始稱喜。此時
地廣不怕官家來。丈田只怕商羊旱魃奪田之豐
年。丈得有田田可耕。豐年一奪難聊生。但願兵荒
灾厲一時散。有田穰穰民不嘆。上欲蠲租下讓畔。

王陵母

漢帝危言以詐楚翁媪幾為楚軍煮豈知相繼有
王陵竟以實禍贈其母一則盡命一生還俱是當
年親被虜君臣心事無異同父母福命有甘苦令
人後世嘆徐庶臣心子道自千古

太白仙才長吉鬼才錦來殆將兼之世人
不能自出手眼借舊題繩趨尺步拾人牙
後直堪覆醬醋耳

宋徵璧

上巳遊魚藻池篇

三春不覺三月三呼朋連袂來城南城南何處無
遊子三月三日名上巳此是蘭亭修禊期永和人
物如見之楊柳風吹藥王廟桃花水祓金魚池水
綠風清顏色好五侯七貴相逢蚤倒影欣看帝子
樓穿池疑汎蓬萊島良辰好景任歡娛狹客妖童
夾路衢任公愛拂珊瑚釣鮫室寧分明月珠九陌
縱橫鋪錦繡婉戀清揚誇邂逅紅袖重重彩扇輕
綠莎點點波紋縐王孫行處草萋萋戚里長干望
易迷金犢絲牽緝憶度朱門遙鎖翠屏低翠屏暗

宿西山雨。紅牆斜掩櫻桃樹。北闕才人總玉堂。南陽貴戚皆珠履。丹青重見繪麒麟。金臺百丈倍嶙峋。不定飛花來上苑。閒看青鳥啄紅巾。蘭池乍浴溫泉湯。寶鼎輕飄迷迭香。玉勒翩躚驚蛺蝶。金支容與汎瀟湘。畫簾本是瀟湘竹。荇暖沙明雙屬玉。贈別非無芍藥花。當筵重理琵琶曲。彈罷琵琶只自知。向人手弄青門枝。西園金谷何年恨。塞北江南兩地思。兩地遙遙好風景。黃鸝啼出鞦韆影。鶯錢榆莢玉階深。繡被香綿飛絮冷。從古鶯花說帝京。况逢佳節不勝情。金縷衣裳君莫惜。蘭陵美酒君試傾。橫塘淺沼明於鏡。倦遊孤客還乘興。王謝千家乳燕飛。滄浪一曲遊魚聽。

報國寺海棠歌

名花異卉瓊樹枝。花開花謝足相思。勝地應誇風日好。遊人每道看花遲。孤客重經報國寺。消愁只為看花至。策馬誰曾載酒來。看花漫憶傷心事。依稀紫玉出吳天。彷彿昭陽寵漢年。雙樹連株相比並。黃沙撲面倍清妍。含嬌含態情無極。倦倚東風

無氣力韶華故故惜芬芳。臙脂澹澹生顏色。絳綃
天半明朱霞。海棠花中稱最葩。由來窈窕推燕趙。
何用新粧說若邪。曾聽西京本俗歌。蘇武歸來心
日。懷仙引。蘇武歸來心。蘇武歸來心。蘇武歸來心。
本非神仙骨。安能鍊金丹。所以茹草人。偷活紅塵
間。紅塵漫漫不能越。朝看明鏡暮華髮。風波患難
如轉蓬。親戚交遊成落葉。老儒竟作尙書郎。清時
重見一馮唐。容臺漫試金銀氣。列宿多慙鴻鴈行。
蒼蠅撲面汗盈把。禿袖敲冰羨瀟灑。鉛刀借割邵
平瓜。羽扇偏揮大宛馬。徘徊郎署倍逡巡。小心恐
懼大吏嗔。胥徒滿堂那在眼。廝養出門多笑人。避
暑無如官舍冷。栢影槐陰發深省。病肺原來屬倦
遊。拂衣豈得誇箕穎。悵望仙人王子喬。金堂玉戶
揚清飈。折腰抱牘任潦倒。自公退食名逍遙。浮丘
洪崖素携手。回風試問相思否。一官落拓才不才。
朝罷長謠歸去來。

登高丘而望遠海。東遊泰山睇滄海。一身倘恍失所在。坐使海水增

波瀾坐使萬象奪精采。海若一生何不平。每令見者覓魄驚。望洋瞬息卽萬里。指南之車吹懸旌。水天氣勢常杳渺。低昂頓覺坤輿小。扶桑倒影類轉丸。衆峯嵯峩若飛鳥。我欲直探龍伯宮。榜人恐怖不肯從。崩濤轉側鱗鬪沓。滄波閃爍鯨眼紅。乘流迥與登岸異。括地名山浩難記。蜃氣遙連不夜城。任公欲下吞舟餌。幾度看揚陸海塵。白雲紫霧誰問津。燕齊未遇迂怪士。吳越空餘江海人。掛席十月來仙家。汗漫應浮八月槎。弱水盈盈弄清淺。紅顏綠鬢渾如花。

鳴鴈行

驚心大火西流去。金井碧梧無定處。寒蛩清切類鳴箏。螢火飛揚疑舞絮。海燕雕梁歸去來。高秋氣爽一登臺。翠蛾紅粉清砧急。彭蠡瀟湘鴈影回。彭蠡瀟湘染烟霧。肅肅賓鴻天外度。手撫瑤琴一曲閒。目斷平沙幾回顧。片片明霞砌錦雲。相思遲日鎖斜曛。臨池半畫龍蛇筆。列陣仍排魚麗軍。古道霜花愁不掃。于野于磐盡衰草。委羽那堪北地涼。

啣蘆却到南天蚤。翻然按翼竟長鳴。嘹唳還疑吹
鳳笙。石梁露濕愁零雨。銀海光浮汎月明。雙宿雙
飛羣不亂。彌天匝地揚哀怨。焉支山下黯消魂。蟋
蟀堂中增繾綣。冰雪差峩逐曉征。江村漁火太丁
寧。寂寞最憐梁苑賦。凄其如訴玉階行。當年蘓李
同樽酒。屬國旌毛偏皓首。裂帛曾經血淚鮮。傳書
只恨緘題久。避地應虞繒繳多。常將遵渚比巖阿。
相逢莫道長相憶。羨爾青雲奈爾何。

王楊盧駱當時體正嘆其不易得也每怪後學動欲凌厲前輩不思腳踏實地如尚

木諸作珠明玉潤宮商諧和豈非才學兼至

李 雯

擣衣篇

闈閣佳人字莫愁。年年紅粉對青樓。乍知玉腕羅
衣薄。早識金風紫塞秋。紫塞秋風那可度。思君更
遠交河去。難從明月望刀環。且向機頭拂紈素。紅
袖初憐金剪寒。青砧還近石床安。誰家橫笛清商
動。賤妾虛桐響夜闌。夜闌顧影常微嘆。砧聲裊裊
隨風亂。緩振鳴環雜夜蛩。急回玉節凌飛鴈。鳴環

玉節動金波。素錦迴紋幽怨多。此夜清霜侵蕙帶。此時朔雪炤銀戈。庭槐月落砧聲歇。斗帳微紅心斷絕。量揣君身尺幅詳。還加妾意裁縫密。昨聞移戍向龍城。萬里黃雲愁不行。空閨用盡三秋力。寄到軍前春草生。

寄遠曲

白玉樓中織錦機。迴紋小字香霏微。不得雲中雙綺翼。爲君萬里寄征衣。征衣細綰同心結。寄往狂夫淚空咽。妾夢猶遲灞岸雲。君身已度交河雪。交

河雪深那可測。千里明駝無氣力。別意新裁金剪刀。啼痕暗數黃沙磧。黃沙磧裏塞雁呼。陰風獵獵鳴雕弧。六郡良家十萬騎。紫駟玉面稱最都。燕領虎頭君自有。鳳帶鴛衾妾空守。願君蚤奪焉支山。歸來玉門春未闌。

宛轉有風人之旨

宋徵輿

登要離墓

我來闔廬城。踏盡吳閶路。手携輕薄兒。長揖要離

墓要離墓草野火燒。一坏黄土孤堞高。前臨青山。後對水白雲。來往風蕭蕭。

江南曲

明月下揚州。青雲渡京口。吳兒解棹舟。吳女工垂手。碧烟衫子白雪裙。臨風一笑桃花春。開牕理鬢。照明水雨漿生浪。飄紅巾。憶昨秋風秣陵路。吹到門前烏桕樹。白雁紛紛千里來。不見郎舟下江水。儂家高樓十二閣。長夜欄杆對簾箔。垂露如珠挂玉釵。雙星自帶秋河落。秋河斜落歷陽西。歷陽城

北征馬嘶長干作書寄京口今歲江頭歸不歸

今日雲間極得風雅正
派吾於轅文兄弟知之

魏象樞

循吏歌與張開有令棗強

君不見人籍柔茅水歸壑。慈惠不深俗易薄。又不見芊牽則卻驅。則行峻法徒滋飲。食爭漢庭多少。循良吏政教。劃然得其平。張子開有本。長者二十。侗儻三十雅。自從謁選入承明。堅樸渾如金在冶。相見曾云嚼菜根。俯首雪涕就我言。幼服庭訓矢

清白躑躅反慮辱公門。近日蒙恩殊不少。召入太
和瞻天表。尾附諸臣賜宴歸。金盤玉盃香繚繞。異
等忝廁分榮名。何以副之心忤忤。男兒學吏女學
婦。得無一指臨蒼生。愧予昧昧難悉作吏苦。惟嘆
今人不如古。古人愛身今愛官。此身一失官何補。
以爾素性甘清貧。滿眼瘡痍繫爾身。我之榮辱得
失天所主。安肯攫民媚他人。民乎民乎盡殘喘。頻
年水旱多輾轉。功令初嚴匿逃家。生怕吏人驚鷄
犬。棗壤况復接二東。邇來大盜飄忽勢難窮。鈴柝
夜聞城市蕭。狐鼠乘隙不敢訐。諺云賈人有牛庖
人割。用剛用柔。吾自投佇望。循聲滿恒陽。傳中猶
紀真衣鉢。嗟乎初志如山不可奪。

王士禛

長歌答贈劉玉瑟

吾年二十寡儔伍。襁褓蕭條守環堵。結交未遇大
梁人。懸文解鄙咸陽賈。離山十里聞螻蛄。孔翠蒙
茸但垂羽。吁嗟濁世無英雄。空使憑高嘆廣武。竭
來落魄海濱遊。逢君便解雙吳鉤。雄談五月洒冰

雪○掀○髯○磊○落○橫○高○秋○新○文○縱○橫○十○萬○軸○平○視○馬○班○
揖○列○休○酒○酣○爲○我○歌○山○鬼○空○堂○颯○颯○西○風○起○美○人○
窈○窕○湘○纍○哀○逋○客○羈○人○乍○悲○喜○噫○吁○噉○吾○生○未○能○
仗○劍○走○南○北○咄○咄○書○空○竟○何○益○芒○碭○轅○轅○古○戰○場○
上○黨○太○行○天○下○脊○山○水○江○南○勞○夢○魂○文○物○西○京○半○
陳○迹○人○生○不○得○展○胸○臆○過○眼○雲○烟○去○堪○惜○逢○君○真○
欲○破○牢○愁○海○波○一○望○三○山○碧○

七夕篇

明○月○舒○光○秋○婉○嬾○絳○河○遙○遙○隔○清○淺○相○傳○天○上○罷○

龍○梭○星○渚○虹○橋○夜○相○見○此○時○羅○幌○已○驚○秋○此○夕○聞○
人○復○坐○愁○銀○漢○風○微○聞○雁○度○金○鋪○夜○暗○見○螢○流○三○
秋○畫○閣○停○刀○尺○良○人○遠○戍○交○河○北○烏○劍○書○中○錦○字○
空○寒○蛩○褥○底○涼○風○夕○江○南○河○北○正○相○思○共○識○今○宵○
漏○乍○遲○那○知○歡○宴○成○靈○匹○空○見○離○愁○結○網○絲○蛛○絲○
宛○轉○縈○千○曲○能○使○愁○心○相○斷○續○乞○巧○筵○空○玉○露○零○
曝○衣○樓○靜○金○風○肅○須○臾○鷄○唱○斗○闌○干○天○上○依○然○別○
思○難○鄰○家○少○婦○嬌○夫○婿○猶○引○金○針○向○月○看○

述舊寄家端士

先朝世宗歲壬戌皇帝策士金華殿婁江文肅公
第一吾家尙書同召見玉堂青瑣并承恩丞相司
徒皆近臣右軍藍田絕嫌忌文貞文獻同情親君
家編修吾司馬翱翔亦共承明下吾家方伯君太
常官遊日月商風雅十年綿邈江南北舊事飄零
不相識吳江濟水兩悠悠欲寄音書淚橫臆一朝
入洛烏角巾名動公卿稱上賓范陽著作那須問
遜抗由來天下聞余時亦入金閨籍珠珂并耀長
安陌將成四部元徽書競傳七葉雕龍筆日月昭

昭浸已馳渡江君去我東歸齊瑟吳趨各回首晨
風零雨常相思我今飯牛甘落魄單衣短布還如
昨郎君猶作折腰人手版西山致不惡哲兄寇蓋
盛時名小弟滄浪自濯纓往事祗徊如見憶楊花
社燕滿江城
立春後八日放歌
君不見荀令則年來三十已開府又不見王文考
十七辨作靈光賦我生二十又三年鬱邑侏儻無
一歡旣不能挽強飛矢射摩罔朝賜飲飛池暮請

郭杜田。又不能金華殿上謁天子。腰佩兩綬矜豪
賢。平生鄙志一丘壑。印山在眼囊無錢。祖宗賜書
一萬卷。十年鞬箠隨風烟。虎賁中郎不復有。傭書
提槩殊艱難。流光去人駛。生弩柳絲花葉忽娟娟。
梅鬚寥落池館靜。時聞饑鼠踏箏弦。酒狂輒欲俯
五嶽。請歌陳植飛龍篇。
岷峨東下江水長。遠從井絡來吳鄉。奔濤萬里始
一曲。古之天塹維朱方。北界中原壯南紀。魚龍日
月相廻翔。中流一島號浮玉。登高眺遠何茫茫。長
空飛鳥去不盡。江海一氣同青蒼。山外兩峰遠奇
絕。雙關屹立天中央。左江右海辨雲氣。如爲八裔
分紀疆。江流到此一縛束。早潮晚汐無披猖。燭龍
曉日出雲海。山光照耀連凌桑。年來海戍未停罷。
峨舸大艦來汪洋。胡豆洲前起烽火。徒兒浦上披
襦褱。古聞京口兵可用。寄奴一去天蒼涼。我願此
山障江海。七閩百粵爲隄防。作歌大醉臥巖石。起
看江月流清光。

洗象行

水關蒼蒼柳陰碧。寶馬流蕪紛絡繹。日中傳呼洗
 象來。玉河波射珊瑚赤。須臾鉦鼓干雲霄。萬夫聲
 寂如秋宵。虎毛蠻奴踞象頂。丘山不動鬱岩堯。岸
 邊突兀二十四。直下波濤若崩墜。翻騰欲踏鼉鼉
 宅。縱橫還成鷺鶴隊。乍如昆明習鬪戰。萬乘旌旗
 眼中見。又如列陣昆陽城。雷雨行天神鬼驚。奴子
 胡旋氣道壯。忽沒中流狎巨浪。撇波一躍萬人呼。
 幡然却出層霄上。今年丞相收夜郎。扶南盤况求

王章遠隨方物貢天關。屹然立仗金堦旁。聖朝
 那復貴異物。致此亦足威遐荒。黃門鼓吹暮復動。
 海立山移浩呼洶。大秦師子多威神。山林豈是天
 家珍。

王士祿

醉後吟

欲作真娘塚上花。不則要離墓邊草。香風麗質隨
 風歇。至今人艷虎丘月。雄劍幾年光彩沉。短衣擊
 劍多賞音。不爾梁生豈因人。世無美人與俠士。寸

心耿耿向誰是。縱復硯礪時時澆。安得日逐賈人子。君不見大壑當年棄琴瑟。冷落千秋幾晨夕。古今惟有堯玄翁。闕盡名山藏鹿革。

膠西行

秋盡繁憂不可掃。夜視太白光皓皓。海氣遙昏石白陰。兵氛晝暗黔陬道。當年三鎮下東秦。犄角曾聞天語申。西控清淵開幕重。南連大冶建牙新。膠西將軍幽并子。少年幾入漸離市。落魄曾無國士稱。俠遊徒袖夫人七。際會忽承恩遇殊。龍墀同

受玉磨符檀。公江左長城寄。叔子襄陽保障初。詎謂輿尸墮節度。健兒夜夜南塘路。暮雨誰知博士船。秋風早落將軍樹。積漸因循氣轉驕。桓東擊刺競雄豪。那見軍中能超距。但聞河上日逍遙。帝咨丞相厲師武。經畧南交定湘楚。旌鉞還將天子靈。羽書徧下諸藩府。膠西入幕典籤兒。反側狙獍何所爲。一時煽衆呼庚癸。將軍俯首聽推移。旦日羣公邀相見。奸謀卒就誰能辨。不識壁中已著人。忽看堦前羣擁劍。轅門白日錫鏤寒。蹠血孤城忽

鼎翻鳴鐘堂上紛橫。亦列戟門前。亂揭竿吁嗟盛
世何當復有此。將懦兵驕。理應爾古來幾事戒履
霜。此事堅冰已久矣。東望黃塵。幾日紛西來赤羽。
遞相聞。遙傳大纛中丞出。觀釁新屯廣固軍。此餘
容。亦味海時行康奴耳為其下所迫而叛此作紀實可為監戒

贊。咄咄篇贈季弟貽上

咄咄古來才人詩筆。誰最雄。客兒秀濯出水之芙蓉。
藍田給事調轉工白也。逸翮凌天風。吁嗟斯人誠雋。
上千秋而下誰躡。超光絕影之高蹤。阮亭主

人風雅宗。秀眉廣顙。湛雙瞳。衣妍骨采美且丰。孤
雲兩角騎飛龍。下視一世眸為空。顧盼意氣轅長
虹。遐騫睟髮陽阿東。手弄青霞遊藥宮。文心映日
光。瞳矐山川麗。崎嶇咏中。掇拾香草直童蒙。摩天
尺五落鴈峰。呼吸上與青旻通。豪吟琅琅如扣鐘。
瓊琚玉珮相琤瑳。乘風破浪聲颯颯。胸涵智珠操
慧鋒。文壇轉戰稱折衝。左拍青蓮右謝公。高揖右
丞恣火攻。千篇搥筆如有馮。迅流龍門瀑。呂洪高
言磊砢狎華嵩。玉函金簡光秦封。我時攬擷開心

蓬○第○五○之○名○誰○與○同○。嗟○嗟○驃○騎○真○凡○庸○。
魏○齋○訥○干○。蘇○武○擊○吹○。蘇○武○擊○吹○。蘇○武○擊○吹○。
慧○鏡○銅○雀○妓○。古○來○麗○色○多○亡○國○。裂○繒○舉○烽○同○傾○覆○。阿○瞞○夙○號○奸○。
人○尤○蓋○棺○猶○為○衽○席○惑○。銅○雀○置○歌○妓○。總○帳○高○稜○稜○。
帳○中○歌○吹○起○朝○夕○。望○西○陵○男○兒○一○朝○身○死○矣○。七○尺○
殘○骸○應○已○毀○。諸○妓○歌○吹○復○何○情○。迷○謬○徒○為○世○所○訾○。
人○言○戀○聲○色○不○如○養○賢○才○。余○謂○聲○色○固○可○噓○。當○時○
事○曹○豈○真○才○。君○不○見○伏○龍○鳳○雛○擇○其○主○。管○寧○不○與○。

華○歆○伍○畫○策○勸○進○。雖○多○人○紛○紛○濟○惡○。何○足○數○。

眼空阿瞞之朝與
李北海同其楷正

送獻宸侄隨任龍安

穎○濱○年○弱○寇○曾○上○太○尉○書○。中○言○子○長○足○踪○遍○天○下○。
其○文○竒○宕○更○扶○疎○。吾○侄○昔○年○隨○父○費○邑○去○。齊○魯○青○
青○色○可○飶○。岱○宗○河○北○最○高○峰○。上○有○宣○尼○觀○海○處○。向○
後○相○攜○至○建○昌○。匡○廬○雄○秀○足○評○量○。太○白○瀑○布○夙○有○
詠○興○。至○何○難○相○頡○頽○。鄱○陽○落○星○湖○水○濶○。氣○蒸○波○撼○
生○輝○光○。况○是○籛○城○如○帶○礪○。署○對○雲○龍○走○山○勢○。黃○河○

日夜水奔流。靈源浩淼來天際。斯皆宇宙大文章。
不但雕蟲資補綴。目今汝父守陰平。鞍馬西風又
徂征。裊裊旌麾出劍外。錦江玉壘傷人行。西蜀山
川聞更險。觸目遇之盡琬琰。吾侄遊覽追踪太史
公。從此潑墨成文不加點。

太史公覽天下名山大川與燕趙間豪俊
交遊故其文疎宕頗有奇氣此作似之

寶劍歌

寶劍寶劍鑄自歐冶。壯士千金購得之。殺盡世間
不平者。遭時不利撫劍歔歔。君父之讐不能報。生

平之憤不能舒。懸之破壁空閣。居諸寶劍寶劍今
我今畜爾亦何用。安得軼深井里。諸人爲爾重。

讀之有化龍
穿屋之氣

孔胤樾

和梁玉立先生落日行

城頭瀝瀝霜風吹。吹得飛光下西陲。最悵世間更
有夜。減去百年一半時。天地寂寥暮鼓急。萬國蒼
生隨日入。明晨有日依舊生。明晨有人依舊集。是
人晝與日爭生。是人夜與日爭匿。爭生爭匿曾幾

回前人沒後後人來。我向浮生欲大呼。奈何與日
鬪肌膚。萬古一種蒼涼氣。數變山川尚不徂。氣湧
拔劍研窓影。盪盡人間生死塗。

大有奇氣

白雲歌

山巔石徑多曲折。夏月巖中藏舊雪。昨自東溪採
藥來。谷裏柴門僅半開。邈邈山楹懸碧幕。吐出雲
光片片薄。并州快剪裁作衣。但恐寒光不易着。溶
若烟兮潔若冰。舒卷空中態不凝。籬舍焚香對幽

客。興到開窓吹鐵笛。一聲窈渺出石門。聲繞雲絲
簷際翻。須臾聲定放雲去。依稀還過峯頂路。明朝
此間戶牖濕。應是雲腳經行處。

和唐人王泠然題河邊枯柳

兩听濤聲遶縣州。輕搖小舫入谿遊。風物蕭蕭秋
在目。河水恒浮瘦。日流布帆直進回。颿口倏見荒
堤三五柳。野火焚來腹盡空。曩時枝葉更何有。憶
昔輕恣發早陽。河畔青青列幾行。驛亭離客恒揮
淚。幽閣春思暗入香。斗酒雙柑何足道。翠色吹出

鶯韻好。方慚無髮鬪青絲。誰料無情爾亦老。應是
年來鏤露霜。丁丁漸到斧斤鄉。東風再過不相顧。
萬事榮枯淚滿裳。

有感
慨

和唐人劉長卿小鳥篇

小鳥小鳥何其微。問爾奚長喙。且飛只緣翮短難。
摩漢簷際徘徊卜所依。倏見勺粟堦前落。衆鳥微
軀欣有托。自空飛下聲帶酸。飽腹間遭鷹鷂搏。更
餘漏羽泣岐路。一日饑腸難及暮。誰知食在蹈危

機。天地廓寥無穩處。到處張羅不敢進。幾許梳翎
漫自問。不難一飯矢狗身。復念渴饑有定分。君不
見錦雉翩翩映嘉木。山下飲泉山麓宿。自分與世
絕。疑猜陌上飛。飛往復迴。文羽可憐不獨賞。引得
玉孫金彈來。

寓意
甚遠

張純熙

苦竹村颶風歌

行行暮宿苦竹村。西山落日風塵昏。下馬傳檄問

父老百家今止三家存。累歲官路苦兵戈。今年海口盜賊多。擄妻勒子復焚屋。家無鷄犬田無禾。昨日府帖復追糧。官差總練如虎狼。六年之賦一日比。老嫗稚子走徬徨。說罷哽咽不能止。使臣聞之淚如雨。仰視彼蒼最仁慈。如何虐此一方土。須臾霾雲白日黑。倏忽颶風暗天起。翻瓦破壁雨如盆。奔流倒瀉大海水。大海蛟龍吼不息。怒濤駭浪三千尺。願將霹靂打賊船。吾民夜臥如盤石。

王維坤

過尹村驛題王覺斯先生畫石

何物荒邨破驛壁。癡菴宗伯畫一石。入門撲面現青蒼。苔斑五百幾點碧。磴研如睹虎豹蹲。罅中疑有流泉滴。想其運腕酒酣落。憤淋漓兩袖揮斥入。極毛穎忽然化身作。巨靈劈將太華山頂峰。三尺對之使我心膽清。當年左右應皆生寒栗。嗟哉此石畫於先朝崇禎之庚午。似有鬼神寶護名公蹟。郵垣不圯風雨未蝕。崑然老丈介然中立。驅得人學米顛。袍笏拜者闐其室。又聞俗子迎上官。謀

將聖以新粉汁風流縣令笑欲倒。叱使勿壞加修飾。我年二十九石年三十一。江山遷播海桑翻。吳宮漢鼎爭得失。獨有此石今尙存。丰稜點染前朝色。於戲宗伯已騎鯨。人生富貴誰留得。自號大隱亦隱耳。何必金門呈踪跡。竟讓此石名壽高。嶙峋氣骨無今昔。我來嘆賞不忍去。欲效古人偷飛白。可惜不曾寫在紙。絹間攜之疾走長安陌。

覺斯宗伯石畫於尹村郵壁至今稜稜未壞得幼輿此作當與米顛石丈並傳

贈年友申隨叔

秋鴻足繫泥金錄。墜我讀書之茅屋。風雨開緘一諦視。第三廣平申隨叔。王郎撫掌大歡慰。喜極幾欲失聲哭。憶我司馬撫中州。殺氣龍蛇方起陸。赤羽白羽崩雲馳。大廈傾危借一木。申公節愍杞縣宰。陰雨獨霈蒼生福。肝腸已露古包胥。鐵眉日爲君國蹙。維時司馬愛重之。入告循良光薦牘。帝曰浴汝郎天鄉。旋典七駟領太僕。未幾鞶鼓動地來。寇烽直逼黃金臺。望帝遊竟化杜宇。瓊樓璇室飛紅灰。衣冠塗炭王孫死。蒼茫周鼎埋蒿萊。申公擇

節取其苦。千秋常山爭步武。浩氣憑陵三尺冰。榮
名焜耀一坏上。我祖時爲草莽臣。北眺九關泣如
雨。侍中遺血灑東風。至今地上桃花紅。舉公公能
不負國。司馬亦復不愧公。十七年來金貂毀。河山
冷冷留孤忠。叔敖廉吏不庇後。負薪鑿壁吟寒蟲。
囊中燕石安所遇。天酬忠烈開癡懵。又有隨叔拔
高幟。鈍駑幸附驂。驢叢感時追舊長。太息欲往從
之苦。未得春明馬踏北平烟。握手古剎松樹前。楚
楚纔如處子耳。筆海何遽瀉潺湲。棄襦終軍真英
妙。使我不敢矜少年。南宮珠履星辰上。應褻爐香
依天仗。十載虛名狂酒徒。鴈行妄異稱瑜亮。同是
清白吏。子孫家聲忠孝心相向。夜沽涼酒對殘燈。
旅館蕭蕭似野僧。拈句投君還悵望。天寧寺塔月
層層。

情性溢於
筆墨之外

唐世徵

雨中同夏人淑作

烟雨養山山有態。數片渡溪溪雨滙。溪雨山雨亂

門前恍惚烟生茅屋內。主賓晨夕蒿牀對。烟雨中
間自頽廢。君有陸羽之奇嗜。活泉當戶頗容易。南
嶽雲霧付祖龍。安得箬葉開題封。余舊居被焚美睡休
教人蹴我。殘帙過我無一可。青囊道書世罕識。思
君手註靈山日。出示光明砂一粒。我骨太寒非其
匹。既逢長嘯復何言。終保青泥不化石。紫芝花老
秋岩間。如此風雨隔一山。

丁 澎

贈送魏環極光祿省觀歸蔚州

十載向北闕。幾人辭玉京。秋風鴈門道。悵望代王
城。代王城高滿烟霧。城下蕭蕭白榆樹。關塞風霜
歷幾年。獨向臺山深處住。羨公英特心膽雄。少年
躍馬明光宮。殿上欲折朱雲檻。政府耻頌平津功。
披衣起草夜未旦。諫書百上無雷同。朝回馬上戀
山色。仰天直注雙飛鴻。鴻飛西來玉峯側。久厭承
明歸不得。長卿多病念家居。沈炯懷親愁異域。抗
疏陳情叩九閭。天子咨嗟動顏色。公也拂袖歸
故鄉。斑衣如新客滿堂。青門再見祖二疏。峻坂豈

復迴王陽。桑乾水急。沙石溜。恒嶽峯寒。北風吼。採
藥尋山。恣往還。服食丹砂。各長壽。余亦高堂有老
親。捧檄風塵慚。下走送君此歌。莫輕擲。願乞黃精
遺我母。

贈洪畏軒儀部

開國功臣誰衛霍。前有平西後經畧。鵠印高懸大
將旗。龍城盡闢名王幕。護羌都尉戰力阻。花門將
軍心膽落。金書鐵券列鎮開。一代風雲縱歎礪。洪
郎年少。眉宇雄。彎弓躍馬如飛搏。袖中常出兩都

賦。手內獨挽雙繁弱。豹畧未許秦白公。腹笥猶堪
晉習鑿。高議蘭臺指掌間。白虎羣儒氣凋索。叔孫
綿叢不足數。賈逵馬鄭同糟粕。君家父子何太奇。
擅盡鴻都與麟閣。相業爭推僕射王。功成復並汾
陽郭。郎官執戟亦不薄。利器由來試盤錯。建議如
山力如虎。阿世胡庸有畫諾。排天摩野霄漢姿。勁
翻凌風逞鵬鷲。百年匡弼倚元臣。勒鼎銘戈繼有
作。絲綸濟美何代無。看君更取通侯爵。

畏軒金玉其相
此作足以不辱

洗象行

南荒有巨獸曰象。剗齒磴研鼻盈丈。細目如豨耳。如盜貌詭麗。然皮色蒼去聲。兒童誘之作百戲。擊鼓吹簫勢偃仰。飽食莖豆滿大斛。給俸猶同百夫長。花裙蠻奴獨許騎。馴狎不啻羊與犁。身被錦緞金作羈。屹如山嶽無差移。排班朝隨羽仗立。儼然拜舞同軍旗。自向滇南入中國。異物那得生西極。忽產象犢恣態奇。雪齒霜毛如拂拭。黃袷飛馳報天內。御駕親調動顏色。炎蒸急雨翻白波。詔

賜洗象西城河。高旗大鼓引導出。路傍觀者肩相摩。躍踔奔湍氣麓莽。蛟龍掠踏爭相尚。獠官僉點二十八掉尾。旋蹄各異狀。似鑿昆明習水戰。翻身搏擊吹飛浪。我聞瑤光之精。化妝形黃門鼓吹。充掖庭。乘之以戰利。身毒負可致遠。垂山經象犢。象犢吁嗟汝。莫患日費官。芻供養參時時。挽出天廡中。常得龍顏增顧盼。

詢是作手

程光祿

江上寄懷月潭朱發菴先生

吾聞有王績平生樂醉鄉。河渚糟丘成頽然。讀老
莊。又有玄真子。往來苕霅間。烟波滿天地。獨有釣
徒閒。君遊京口居月潭。遊於空曠居幽潛。曠則情
之所爲適。潛則性之所爲湛。試問月潭在何許。乃
在衆山畧深處。支機銀漢瀉還來。濫觴錦江流不
去。奔濤旣靜波旣平。永夜清光上下爭。載酒方舟
詩興好。何如人在鏡中行。尙復歸存紫陽屋。後人
薪火粲相續。萬卷猶能破漢唐。何況遺書胡不讀。

其中健者君之子。飛揚跋扈已如此。幸作同心筆
硯交。如瀉如澠水。投水憶我至潭上。逢君酌以酒。
我雖不能醉。君意固良厚。憶我至潭上。逢君質以
詩。我雖不成章。君情亦已移。君以飲酒詩。遂多百
篇數。句復誰何看。山初拄青藜杖。天涯芳草待經
過。方壺圓嶠海東路。玉樓玄室遠哉。驚神仙中人
在人間。君遊君居曾不悞。爲君好作月潭圖。不羨
賀老乞鑑湖。

赭山醉歌贈王羽

君不見天子之命。吏可以殺貴主之家人。殺奴尙
不肯謝主御前。乃有疆項臣。問爾項何恃而疆。乃
恃天子之威神。守令真恃天子命。乃得以剛行其
仁。吁嗟乎王羽。胡爲乎來哉。鳩茲彈丸。而都會赭
山。部婁而崔嵬。我且與爾攜尊酒。高對長江盡一
杯。吾聞長江之來。幾千里。疾如脫矢。聲殷雷。衝峽
盤磯。勇赴海。誰能以力逆之。使西廻。吁嗟乎王羽。
胡爲乎來哉。爾昔獨非命。吏耶。初命試百里。乃在
北海涯。其地多王侯勳貴。豪猾盜賊。不可治。蒼頭
廝養。睚眦間。皆能魚肉我旄。倪於是。有卒酌於市。
羽乃乘軒而僂之。於是。一軍譁盡甲。羽乃單騎而
釋之。一年謗之。三年誦之。羽之爲吏也。如此。倘如
霸也。徵入爲丞相。功名亦知損於治郡時。獨奈何
不衫不履。與我同旅於鳩茲。鳩茲彈丸。而都會赭
山。部婁而崔嵬。長江浩淼。袞袞去。秋風正助客心。
悲。吁嗟乎王羽。胡爲乎來哉。漢家循吏。固有倫。酷
吏亦便國法。伸國法不伸。多掣肘。卽有商鞅不治。
秦。吁嗟乎王羽。胡爲乎來哉。下土岩峩。仰聞闔誰

能呼吸九關開即使九關爲之開却望虎豹驚倒

回○

悲○

山○

不○

露○

黑○

依○

沈氏集七言古詩卷之三終

